

1918



საქართველოს პარლამენტი.

სტენოგრაფიული ანგარიში.



56 სსდომა.

სამშაბათი, ნოემბრის 5, 1918 წ. ტფილისი. სასახლე.

თავმჯდომარეობს პარლამენტის თავმჯდომარე ნ. ს. ჩხეიძე.

მდივნობს პარლამენტის მდივნის ამხანაგი იოსებ აბაკელია.

პრეზიდიუმში არიან: პარლამენტის თავმჯდომარის ამხანაგი იესე ბარათა შვილი და მდივანი დავით ონიაშვილი.

კრება იწყება შუადღის თორმეტ საათზე.

თავმჯდომარე. კრება გახსნილი გახლავთ. (მდივანს) გთხოვთ წაიკითხოთ დღიური წესრიგი.

განცხადებანი სოციალ-რევოლ. ფრაქციისა და პარლამენტის წევრის კარავისა.

მდივანი (კითხულობს) ალი გეიღარ კარავის განცხადებას პარლამენტის წევრობიდან გადადგომის შესახებ და სოც. რევ ფრაქციის განცხადებას, რომ პარლამენტში წევრებად დაინიშნენ კანდიდატთა სიიდან მიხელ ჭანიშვილი და ივანე ბახტაძე, ნაცვლად ბარბაქაძისა და ფაჩუაშვილისა.

დღიური წესრიგი.

1. საბოლოო ტექსტი შავი ზღვის სანაპირო რეინის გზის დამთავრების კანონისა.

მომხსენებელია პარლამენტის წევრი რაჟდენ არსენიძე.

2. საბოლოო ტექსტი გარეშე საქმეთა სამინისტროს შტატების ტ ბარჯთ-ალრიცხვის კანონისა.

მომხსენებელია პარლამენტის წევრი შალვა ამირჯვანი.

3. კანონ-პროექტი სახელმწიფო ქალაქების მბუქდავ ექსპედიციის ხარჯთ-ალრიცხვისა.

მომხსენებელია პარლამენტის წევრი დავით ონიაშვილი.

4. კანონ-პროექტი აგრაარულ რეფორმისთან დაკავშირებულ სტატისტიკის შედგენისა.

მომხსენებელია პარლამენტის წევრი დავით ონიაშვილი.

5. კანონ-პროექტი სახელმწიფო ხაზინის მოწყობისა.

მომხსენებელია პარლამენტის წევრი იახან ლორთქიფანიძე.

6. კანონ-პროექტი სათამაშო ქალაქებზე სახელმწიფო მონოპოლიის შესახებ.

მომხსენებელია პარლამენტის წევრი ალექსანდრე ასათიანი.





კანონ-პროექტი გასართობებზე შესავალ ბილეთებზე გადასახადს ხაზინის შემოსავლად ჩარიცხვის შესახებ.

მომხსენებელია **ალექსანდრე ასათიანი**.

8. კანონ-პროექტი 1918 წ. ნოემბრის 22 კანონის (გასართობების შემოსავლის სამხედრო გადასახადის შესახებ) შეცვლისა.

მომხსენებელია პარლამენტის წევრი **რაჟდენ არსენიძე**.

9. კანონ-პროექტი საღვთო სჯულის სწავლების გაუქმებისა ყველა ტიპის და საფეხურის სახელმწიფო და კერძო სკოლებში.

მომხსენებელია პარლამენტის წევრი **ლევ ნათაძე**.

10. კანონ-პროექტი სხვა და სხვა უწყებების სკოლების განათლების სამინისტროს უწყებაში გადასვლის შესახებ.

მომხსენებელია პარლამენტის წევრი **ნაოე ცინცაძე**.

11. შეკითხვა დამოუკიდებელ ეროვნულ დემოკრატიულ ფრაქციისა მთავრობისა და სახელმწიფო კანტროლიორისადმი 30 მილიონის სალიკვიდაციო ფონდის შესახებ.

12. შეკითხვა პარლამენტის წევრის **ალ. ახმეტელისა** მთავრობისადმი ტფილისში უცხო სახელმწიფოს შეიარაღებულ რაზმის არსებობის შესახებ.

13. შეკითხვა პარლამენტის წევრთა **ნ. თარხანოვის** და **ლევონ თუმანოვისა** იუსტიციის და შინაგან საქმეთა მინისტრებისადმი—სასამართლოს განუსჯელად პოლიტიკურ პატიმართა ბუღუ მდივანისა და სხვათა სატუსალოში უბრალმდებლოდ დაპატიმრების შესახებ.

14. შეკითხვა პარლამენტის წევრის **დ. დავითხანოვისა** შინაგან საქმეთა და სამხედრო მინისტრებისადმი—საქართველოს რესპუბლიკის სამხედრო საიდუმლოების გამოქვეყნების საწინააღმდეგო ზომების შესახებ.

მსჯელობა წესრიგის შესახებ.

თავმჯდომარე. წესრიგის შესახებ სიტყვა ეკუთვნის განათ. მინისტრს.

განათლების მინისტრი **გიორგი ლახსიშვილი**. დღიურ წესრიგში აღნიშნული არის საღვთო სჯულის მოსპობა, როგორც სავალდებულო საგნისა. ეს კანონ-პროექტი არის შემუშავებული და წარმოდგენილი სასკოლო კომისიის მიერ. მთავრობაში ეს კანონ პროექტი გამოგზავნილი ჰქონდათ, მაგრამ მთავრობას იგი არ განუხილავს.

მართალია, მთავრობას არაფერი საწინააღმდეგო არა აქვს რა ამ კანონ-პროექტისა, იგი პრინციპიალურად მას ეთანხმება, — როგორც არა ერთხელ ყოფილა ამაზედ ლაპარაკი, მაგრამ, რადგანაც ჯერ მას არ განუხილავს თვით კანონ-პროექტი, შე ვთხოვლობ, რომ ეს კანონ-პროექტი მოხსნილ იქმნას, და თუ შეიძლება, იქმნას გადადებული.

შეიძლება პარასკევისთვის მთავრობამ წარმოადგინოს თავისი აზრი.

თავმჯდომარე. გნებავთ ვისმეს, რომ განვიხილოთ ეს საკითხი, თუ თანახმა ბრძანდებით, რომ ვადაიღოს იგი? მაშასადამე ეს წინადადება მიღებული გახლავთ. წესრიგის შესახებ სიტყვა ეკუთვნის ბ. ახმეტელს.

ალექსანდრე ახმეტელი (რად. დემ.) მე განზრახვა მქონდა ჩემ მიერ შემოტანილ შეკითხვის განხილვის დროს შევხებოდი, უპირველეს ყოვლისა, ჩვენსა და სომხების შორის მომხდარ კონფლიქტსა.

მე დარწმუნებული ვიყავი, რომ მთავრობა თავის პასუხში საჯაროდ განა-



ცხადებდა, რომ იგი მზალ არის, როგორც ომისთვის, ისე მშვიდობიანი გზით ამ კონფლიქტის გათავებისთვის.

ეს კიდევ ასე მოხდა.

მე ღარწმუნებული ვიყავი, რომ ის განაცხადებდა, რომ ტფილისის გუბერნიაში არც ერთი ადგილი მას სადავო არ ჰგონია.

ეს მან განაცხადა კიდევ.

მე ვფიქრობდი, რომ საქართველოს პარლამენტი სწორედ, აი, ამ მომენტის დროს, როდესაც მთავრობას უხდებოდა საქართველოს დამოუკიდებლობის დაცვა, უსათუოდ დააჯილდოვებდა თავის მთავრობას ერთხმითი ნდობით.

ეს ასეც მოხდა.

საჭირო იყო, რომ ერთხელ კიდევ დაენახებინა ჩვენ პარლამენტს საქართველოს რესპუბლიკის მოპირდაპირეებისთვის, რომ, როდესაც დამოუკიდებლობის საკითხი არის, არ არსებობს არც ერთი პარტია, არამედ არსებობს მხოლოდ ერთი მთლიანი, თავისუფლების მოყვარე საქართველოს მთავრობა.

ეს ჩვენ უკვე დავინახეთ.

საჭირო იყო, რომ მთავრობას და პარლამენტს ეთქვა ყველასათვის, რომ რაინდულად გამოწვდილ გერმანიის ხალხის მიერ ხელს, ქართველი ხალხი არასოდეს არ უღალატებს, არასოდეს არ შეუქცევს ზურგს.

ყველაფერი ეს დავინახეთ.

აი ყველა ამ მოსაზრების გამო, სწორედ ამის შემდეგ მე ვხსნი ჩემ მიერ შემოტანილ შეკითხვას.

თავმჯდომარე. ამ რიგად, ეს შემოტანილი შეკითხვა მოხსნილი გახლავთ. ესაა გადავდივართ შემდეგ საკითხზე.

მომხსენებელია პარლამენტის წევრი ბ. არსენიძე.

საბოლოო ტექსტი შავი ზღვის სანაპირო რეინის გზის დამთავრების კანონისა.

რაჟღერ არსენიძე. (ს.-დ.) თვით კანონ-პროექტში სარედაქციო შესწორებები არ არის. მხოლოდ რამდენიმე წინააღმდეგობა აღმოჩნდა. მე ამაზე უნდა მივაქციო პარლამენტის ყურადღება. ყოველ შემთხვევაში წავიკითხოთ მუხლობრივ. „კანონი საქართველოს შავი ზღვის სანაპირო რეინის გზის დამთავრებისა“.

ჩვენ „სანაპირო“ ამოვშალეთ იმიტომ, რომ თითონ სახელწოდება სისწორით არ არის აღნიშნული. ჩვენ გვაქვს რეინის გზა, რომელიც გაიყვანა კერძო საზოგადოებამ, შავი ზღვის ნაპირზე. ამას უკვე შავი ზღვის რეინის გზა ეწოდება. ჩვენც ეს სახელი ვიხმარეთ, რომ ერთი სახელი შერჩეს.

მუხლი პირველი: კანონ-პროექტი შავი ზღვის სანაპირო რეინის გზის დამთავრებისა. 1. დავეალოს გზათა მინისტრს დაუყონებლად მიიღოს თავის გამგებლობისა და განკარგულებაში შავი ზღვის სანაპირო რეინის გზა, რომელიც ჯერ დამთავრებული არ არის, საქართველოს ტერიტორიის საზღვრებში.

აქ არაფერი არ არის შეცვლილი გარდა იმისა, რომ სიტყვა „სანაპირო“ არის ამოშლილი.

მუხლი მეორე: რეინის გზის ამ ნაწილის მისაღებად, შესანახად და დასაცავად 1918 წლის 1 ოქტომბრიდან წლის დამლევამდე მიეცეს გზათა მინისტრს აენასად ხაზინიდან სამასი ათასი (300,000) მანეთი.

საქართველოს პარლამენტი. ვაზ. „საქ. რესპ.“ დამატება № 73.



აქ არაფერია შეცვლილი.

მუხლი მესამე: მიენდოს გზათა მინისტრს დაუყოვნებლივ შეუდგეს ამ გზის ნაწილის დამთავრებას ახალ სენაკიდან ზუგდიდამდე და ამისათვის გაეხსნას მას კრედიტი სამი მილიონი სამას ათასი (3,300,000) მანეთისა, თანახმად ამ კანონთან დართული ხარჯ-აღირციხვისა. თვის განმავლობაში მოახდინოს გამოკვლევა ტრასის შეცვლისა, რათა ხსენებულმა რკინის გზამ გაიაროს ქ. ზუგდიდში.

არავითარი სარედაქციო შესწორება არ არის, მხოლოდ აქ სარედაქციო კომისიამ შეიტანა გრამატიკული შესწორება. ეწერა (კითხულობს) გაეხსნას კრედიტი „3,300,000 მანეთისა“, ჩვენ დავწერეთ: გაეხსნას კრედიტი „3,400,000 მანეთი“. მაგრამ ამ მუხლთან არის დაკავშირებული ერთი წინააღმდეგობა კანონ-პროექტისა. ჩვენ ხარჯთ-აღირციხვაში ბუჰალტერულ გამოანგარიშებით გამოვიდა არა 300,000— არამედ 400,000 მანეთი. მაშინ, როდესაც თვით კანონ-პროექტის მუხლში ეწერა, და ხარჯთ-აღირციხვაში, რომელიც მივიღეთ,— ეწერა 300,000 მანეთი.

მაგრამ ტექსტში გამოვიანგარიშეთ, ბუჰალტერულ ანგარიშით გამოვიდა 400.000 მანეთი.

მე მგონია, რომ ამ მუხლშიც ესე უნდა ჩაეწერათ. ამ ხარჯთ-აღირციხვიდან 300,000 მ. უნდა ამოვიღოთ. სარედაქციო კომისიას ჰგონია, რომ ეს კანონის მუხლი უნდა იყოს შეთანხმებული ხარჯთ-აღირციხვასთან.

როგორც ხედავთ, ეს სარედაქციო შესწორება არ გახლავთ,— ეს არსებითი შესწორებაა, ამისათვის საჭიროა, რომ მომხსენებელმა თავისი აზრი გამოსთქვას. თუ თქვენ დღეს შესაძლებლად მიგაჩნიათ, რომ არსებითი შესწორება მივიღოთ, ამ კანონის სარედაქციო შესწორების დროს, თუ პარლამენტი აშას ინებებს, ეს ჰიღებული იქნება.

მაგრამ, რაღაც უხერხული საქმე მომხდარა. უნდა მივიღოთ სარედაქციო შესწორების მაგივრად არსებითი შესწორება. რაკი ეს ასე გახლავთ, საჭიროა, რომ მომხსენებელმა თავისი აზრი მოგახსენოთ. ეს ერთგვარი დარღვევა იქნება ჩვენი წესიერებისა, მაგრამ რაკი ეს ამბავი მომხდარა, მომხსენებელმა უნდა თავისი აზრი გამოსთქვას.

თავმჯდომარე. პარლამენტის წევრი გობეჩია.

იოსებ გობეჩია. (ს.-რ.) ამ კანონის მომხსენებელი მე ვიყავი. ეს კანონ-პროექტი იყო გარჩეული სამ შეერთებულ კომისიის მიერ, საბიუჯეტო, იურიდიულ და გზათა კომისიის მიერ. რაც შეეხება ხარჯთ-აღირციხვის ანგარიშებს, — რასაკვირველია ის დამოკიდებული იყო საფინანსო და საბიუჯეტო კომიზზე, მათ უნდა შემეშუაებინა ეს, და რადგანაც ასეთი დაწვრილებითი შემეშუაება მოახდინა სარედაქციო კომისიამ, ჩემის აზრით საბოლოოდ უნდა მივიღოთ ის ციფრებით, რომელზეც სარედაქციო კომისიამ შეიმუშავა.

თავმჯდომარე. ესე იგი, 3.400.000 მანეთი. სეფინანსო კომისიის მომხსენებელი თანახმა არის ამ კანონ-პროექტის შესახებ.

მომხსენებელი არსენიძე. მე მხოლოდ სარედაქციო კომისიის სახელით უნდა მოგახსენოთ ის, რომ ჩვენ არც ერთი მუხლი არ შეგვისწორებია. იგივე მუხლი მივიღეთ ისე, როგორც ეწერა ხარჯთ-აღირციხვაში, მხოლოდ საერთო ანგარიშის იტოვი, ანუ ჯამი, გამოდგა სხვანაირი, ვინემ აქ იყო. პარლამენტის მიერ მიღებული აზრი არ შეგვიცვლია.

თავმჯდომარე. მაშასადამე, შეტანილი იქნება არსებითი ცვლილება.

მომხსენებელი. ცვლილება არ არის შემოტანილი ხარჯთ-აღირციხვაში. ამ ხარჯთ-აღირციხვას ეწერა რაღაც სხვა სახელი, მგონია შეფასებითი სია. ეს



ტერმინი ყოვლად შეუძლებელი არას. ამ კანონის ხარჯთ-აღრიცხვისთვის, ჩვენ არ შეგვემოლო დაგვეწერა შეფასებითი ხია. ამის მაგივრად ჩვენ დავეწერეთ ხარჯთ-აღრიცხვა ახალ-სენაკიდან ზუგდიდამდე დროებითი მიმოსვლის გასამართავად დასაშთავრებელ სამუშაოსი შავი ზღვის რკინის გზაზე.

სენაკის გზის ლიანდაგი სულ 48 ვერსი არის, ხარჯთ-აღრიცხვა დანაწილებულია მუხლებათ. (კითხულობს) ლიტერა ა. ფასი სამუშაოსი და დამზადება მიწოდებისა. აქ უნდა აღინიშნოს უკანასკნელი ტერმინი: დამზადება მიწოდებისა,

ეს არის თარგმან რუსულ სიტყვებიდან—**ПОСТАВКА**. აქ **ПОСТАВКА** ეწოდება ისეთ იჯარით აღებას, როდესაც მოიჯარადრე ვალდებულია თავის მასალით, თავის საკუთარ მასალით გაამზადოს ესა თუ ეს ნივთი და მისცეს დაწესებულებას. ამას ვერ გადავთარგმნით, სხვანიარად ჩვენ ვარჩიეთ დამზადება-მიწოდება: **ПОСТАВКА** არის დამზადება-მიწოდება. მე არტყვი, რამდენადაც შესაფერია ეს სახელწოდება, საზოგადოდ—რამდე ადაა ეს სპეციალურად, იურიდიულად შემუშავებული. თავი პირველი (კითხულობს) თავი I. ქონების ჩამორთმევა. მიწის შექმნა, შენობის დანგრევა, სასყიდელი ადგილის დროებით დაქერისა, ნათესისა და სათიბის მოსპობისა და სხვა ზარალისთვის, დამზადება და ჩაყრა საზღვრების ნიშნების და აგრეთვე შენახვა ჩამომრთმევე აღმინისტრაციისა, დაქირავება მისთვის შენობისა კანტორისათვის, ფოსტა-ტელეგრაფის და კანცელარიის ხარჯითურთ. შედგენა პლანებისა, საგზაო, გადასვლისა და სხვ. საჭიროებისათვის. სულ I თავის ხარჯი 500,000 მან. აქ „საგზაო გადასვლისა და სხვ. ხარჯები“ ეს არის **ПУТЕВЫЕ** და **ПОДЪЕМНЫЕ** ხარჯები.

არსებითად ეს ნიშნავს იმ ხარჯებს, რომელიც მოხელეს, ან დაქირავებულ პირს დასჭირდება, რომ თავისი ბინა, საქმე, ქონება დასტოვოს, გაყიდოს და ახალ აგილზე დაბინავდეს. ძველ ადგილიდან ახალ ადგილზე გადასვლისთვის გამოწვეული ხარჯები აუნაზღაუროს. ამ ფულს, რომელსაც ეწოდება **ПОДЪЕМНЫЕ**—გადასვლის ხარჯი, სულ 500,00, მან.

შენიშვნა: I თავისთვის. ვინაიდან გამოურკვეველია, რამდენად არის შესრულებული შავი ზღვის რკინის გზის მართველობისაგან ჩამორთმევის საქმე და აგრეთვე ვინაიდან საბუთები გვაქვს ვიფიქროთ, რომ ეს საქმე მხოლოდ დაწყებულია, ხარჯთ-აღრიცხვაში ჯამი 500,000 მან. იმ პირობით არის შეტანილი, რომ კრედიტის დახარჯვა ამ თავის მიხედვით მოხდეს გზათა მინისტრის საბჭოს ნებართვით. აქ ბევრი შენიშვნები იყო წარმოდგენილი, მაგრამ სარედაქციო კომისიამ დასტოვა მხოლოდ ის შენიშვნები, რომელთაც რაიმე კანონიერი ხასიათი ჰქონდათ და არა უბრალო განმარტებისა. კანონის ხასიათს აქვს, როდესაც განსაზღვრულია სისტემა და წესი ამგვარად გვლებულ ხარჯები თავი მეორე. მუხლი პირველი. **პარაგრაფი** ბ. გაყენა მიწის ლიანდაგისა. მიწის სამუშაო მთავარ ლიანდაგისა;—ოთხკ. საქ. 6,500 თითო საქ. ღირს 50 მ. სულ 325,000 მან.

მიწის დამატებითი სამუშაო სამთო და შემოსარები არხების გასაყვანად, მდინარეთა კალაპოტის გასასწორებლად, მდინარეთა ნარიყალთან ლიანდაგის გასაგანიერებლად, ჯვარდინებზედ გზის გადასახვევად, გადასასვლელის გასაკეთებლად, საგზაო შენობებისთვის ქვეშ ნიადაგის გასასწორებლად და სხვ სულ 1500 მ. ოთხკუთ. საქ. ღირს 50 მ. სულ 75,000 მ. მუხლის მიხედვით.

თავმჯდომარე უკაცრავად შედარებითი ტექსტი წაიკითხეთ.

მომხსენებელი მე ვკითხულობ შედარებითი ტექსტს. ვინაიდან მეორე ტექსტი არ მათ რუსული ტერმინების თარგმანი ყოვლად შეუძლებელი იყო



და ჩვენ ერთად შევასწორეთ; ჩვენ არც ერთი სიტყვა არ აგვიღია ძველ ტექსლიდან. ჩვენ პირდაპირ რუსული დღიანი ივიღეთ და ხელახლად გადავთარგმნეთ. ყოველი რუსული სახელწოდების, ტერმინის თარგმნა დაგვჭირდა. აი, მაგალითად, დაგისახელებთ: **ОБВОДНЫЙ КАНАЛЪ** თარგმნეთ, შემოსარები არხი მაგ. „ბერმის დაყრა“. ეს იმას ნიშნავს, რომ ხიდის გასამაგრებლად თავში დ ბოლოში ეყრება მიწა.

ბერმის დაყრა ეს უკუბო ტერმინია და ჩვენ ეს ტერმინი დავტოვეთ, ვინაიდან სხვა სახელწოდება ვერ გამოვინახეთ. „კალაპოტის გაფართოვება“ ეწოდება ქართულად ნარიყალის გაფართოვებას. ასეთი რამეს თარგმნა ადვილი არის, სადაც მდინარეს აქვს დიდად გაფართოვებული კალაპოტი. რუსულად არის: **У разлива рѣки, тамъ, гдѣ рѣка разливается.** ჩვენ დავსწერეთ: მდინარეთა ნარიყალიან. შექმდე აქ არის:

„ჯვარედინებზე“, — ეს არის ნახმარი, — სადაც შარა გზა შეხვდება რკინის გზას, მას ეწოდება გზის ჯვარედინი. აი, სწორედ ეს ტერმინი ვინხმარეთ ჩვენ ამ აზრის გამოსახატავად, სადაც ორი გზა ხვდება ერთი მეორეს საჭიროა ხშირად, რომ შარა გზამ გადაუაროს რკინის გზას. ამ გზის გადახვევას ჩვენ ვუძახით „ჯვარედინს“ — გზის გადასახვევს.

შემდეგ — აქ სწერია: „გადასასვლელის“ გასაკეთებლად.

ეს არის **перезздъ**-ი. თვით **перезздъ**-ების გასაკეთებლად, საგზაო შენობებისათვის ქვეშ ნიადაგის გასასწორებლად და სხვა 1500 ოთხკუთხი საენი. სულ ჯდება 400 ათასი მანეთი.

მეორე მუხლი: (კითხულობს) „მიწის სამუშაო სადგურებისათვის მოედნების გასაკეთებლად“.

მოედანი საჭიროა წინ და უკან, ესე იგი ვაჟე ადგილი „**площадка**“.

მესამე მუხლი. შეკეთება და გამაგრება დაყრილ ნიადაგის, ორმოების და არხების ფერდობებისა, — 40 ვერსი. თითო ვერსი 1000 მ. მუხლის მიხედვით სულ 40000 მ.

დაყრილი ნიადაგი, ეს არის „**насыпь**“, როდესაც დაყრილი იქნება ნიადაგი: ორმოები და არხის ფერდობები უნდა იყოს გამაგრებული. რომ არ ჩამოინგრეს. ეს არის შეკეთება არხების ფერდობების.

მუხლი მეოთხე. (კითხულობს) გამაგრება მდინარეების კალაპოტისა და ხიდის კონუსებისა და მიღებისა, — მოკირწყვლით, — ოთხ. კუთ. საყ. 4000. ოთხ. კუთხ. საყენის ფასი 45 მ. მუხლის მ ხედვით 180000 მ. სულ მე-II-ე თავის ხარჯი 760000 მ.

ხიდის კონუსებისა. ეს უცხო ტერმინი არის შემოტანილი ქართულ ენაში. კონუსების და მიწის მიღების ვაკეთება.

შემდეგ: „გზატკეცილის ზედაპირის ვაკეთება გზის გადახვევისას. სულ 250 საყ. — ფასი — 15000 მ.

„გზატკეცილის ზედაპირის ვაკეთება გზის გადახვევისას“, — ესე იგი როდესაც შარა გზა გადაუხვევს უნდა ვაკეთდეს გზატკეცილი.

თავი მესამე. (კითხულობს) ხელოვნური ანაგები, ესე იგი „**искусственные сооружения**“, რადგანაც საერთოდ, ასე თუ ისე ეს ნიშნავს აგებას, ამას ხმარობენ პროვინციაში. ჩვენც საჭიროდ დავინახეთ ამის ხმარება. ამ აზრის გამოსახატავად ძველ ტექსტში ეწერა ხელოვნური შენობები. მაგრამ ჩვენ გვგონია, რომ ბეტონის დამგება დასაყრდნობისათვის ბალავარის ამოსაყვანად არ იქნება ხელოვნური შენობები. ეს იქნება ხელოვნური ანაგები.

მუხლი პირველი. პუნქტი ა. ბეტონის დამგება დასაყრდნობისათვის ბალა-



ვერის ამოყვანით, —ოთხ. კუთ. საყ. 5ნ. საყენის ღირებულება 900 მ. სულ 49500 მან.

„დასაყრდნობისათვის ბალავარის“ ამოყვანით. ბალავარი „основание“. საფუძველის ქვეშ, რაც აშოიჭრება და ამოიყვანება.

პუნქტი მეორე: (კითხულობს) „ხიდის თვლის დროებითი ხის თაღები. სიგრძით 80 საყ. ღირს 209,500 მ. რუსულად არის „პროლოტი“, რომელიც ნიშნავს ხიდის ბურჯის და ბურჯს შუა დარჩენილ ადგილს.

პუნქტი 3. (კითხულობს) დროებითი ხის ხიდები ხისავე ბურჯებით 50 საყენი. ჯდება 150,000 მ.

თავი შეიღებ. ზედანაშენი верхнее строение, ის, რაც ზევით არის ნაშენები. (კითხულობს) 1 შუნლი. ქვიშა საბალასტო ნაფენისათვის გზასა და გზას შუა დასაყრელად და დაწვეულ ლიანდაგის გასასწორებლად, თუ ვივარაუდებთ ას სამოცდა ოთხ ოთხკუთხ საყენს 1 ვერსზე და ნაფენის სისქეს საშუალოდ 0,18 საყ. 48 ვერსზე, 8160 ოთხ კუთხი საყენი თითო საყენი ღირს 80 მან. სულ 652800 მან.

2 შუნლი. შპალი 1580 თვითეულ ვერსზე, თუ 2% მივიღებთ დანაკარგს, სულ 42840 ცალი. ფასი ამ შპალებისა არ არის აღნიშნული, რადგან ეს შპალები დამზადებული არ არის.

შენიშვნა მეორე მუხლისათვის. აქამდე დაგებულია 19 ვერსი მთავარი გზის და 1 ვერსი სასადგურო; დარჩენილია დასაგებად 28 ვერსი. შპალები დამზადებულია. ამისთვის მათი ფასი აღნუსხული არ არის.

მუხლი მესამე. პუნქტი ა. (კითხულობს) რელსები ფოლადის ტიპი III-a სამაგრებიტურთ მთავარი და სამგზავრო ლიანდაგისათვის, —ვერსი 21.

„სამაგრებიტურთ“, „со кренами“. ფასი ნაანგარიშევი ქარ არის. აქ არის შენიშვნა. (კითხულობს)

რელსი ტიპ. III-a სამაგრებიტურთ დამზადებულია. ამისათვის ფასი ნაანგარიშევი არ არის.

რელსები ამ დანიშნულებისათვის არ არის; განზრახულია მათი მიღება რესპუბლიკის რკინის გზის სადგურების უმოქმედო ლიანდაგებიდან, ამისთვის რელსების ფასი ხარჯთ-აღრიცხვაში შეტანილი არ არის. შეტანილია მხოლოდ 10.000 მან. რელსების აყრისა, დატვირთვა-გადმოტვირთვისა და გადაზიდვის ხარჯისათვის სამსახურის ტარიფის მიხედვით.

„სამსახურის ტარიფი“ — служебный тариф. მუშები მსახურებენ ამ ტარიფის ანგარებით.

პუნქტი ბ. (კითხულობს) რელსი ფოლადისა ტიპი III-a სამაგრებიტურთ სასადგურო ლიანდაგისთვის ვერსი 7.

მუხლი შეიღებ. პუნქტი ა. დაგება რელსებისა და სააშისო მასალის მიზიდვა სადგურებიდან საშუაო ადგილს, ლიანდაგის გამაგრება და გამართვა, ვერსი 28.

რკინის გზის სადგურის წინ და დანარჩენ ლიანდაგზე ჭანსაკუთრებულ ტიპის რელსები ეგება.

ფასი შეტანილია საერთოდ მუხლის მიხედვით — 70 ათასი მან.

პუნქტი ბ. (კითხულობს) ლიანდაგის აწვევა სათანადო სიმაღლეზე და ამოსწორება ჩამჯდარი ადგილების, —ვერსი 48.

პუნქტი გ. (კითხულობს) ლიანდაგის მოვლა საექსპლოატაციოდ გადაცემამდე, —ვერსი 48.

მუხლი მეხუთე. შეკეთება საშორაო შედგენილობისა. ეს გახლავთ — подви-



жний составъ:—სამოდრო სედგენილობა (კითხულობს) შეკეთება სამოდრო სედგენილობისა სულ მოითხოვს 46 ათას მანეთს.

თავი მეხუთე, მუხლი პირველი. ლიანდაგის კუთვნილებანი. (კითხულობს) ვერსის მაჩვენებელი ბოძები, აღმართ-დაღმართის ნიშნები, მოსახვევების მაჩვენებელი, სადარაჯოს ნიშნები, სამუშაო ნაწილები და უბნების მაჩვენებელი, წყლის საზომი და საზღვრის ბოძკონტები,—ვერსი 40.

აი ამას აქვს სათაური: ლიანდაგის კუთვნილება.—Принадлежности пути.

მუხლი ბ. (კითხულობს) ბაირაღები და გზის შესაკეთებელი ხელსაწყო.

აქ არის ფასი ნაანგარიშევი, 30 ათასი—სულ მეხუთე თავის მიხედვით არის ნაანგარიშევი 560 ათასი მან.

თავი შეექვსე. (კითხულობს) თავი VI. ტელეგრაფი. 1. გაყვინა მეორე სატელეგრაფო მავთულისა, იზოლიატორებით და კავებით და მავთულებისა სახელმწიფო ტელეგრაფის სადგურებთან შესაერთებლად.

2. სენაკიდან სოხუმამდე, ტელეგრაფისა და მოსამსახურეთა შენა გზის საექსპლოატაციოდ გადაცემამდე, სულ შეექვსე თავის ხარჯი 65 ათასი.

თავი შეშვიდე. სადარაჯო სახლები, კაზარმები და გადასასვლელები 1. სადარაჯო შენობები დროებითი, ფარდულის ტიპისა,—ოთხკუთ. საქ. 55.

2. აგრეთვე ყაზარმები და მცირე ყაზარმები სარემონტო არტელისა და გზის ოსტატებისათვის ოთხკუთ. საქ. 85.

3. გადასასვლელები რელსების ღონებზე,—ყოველგვარი მოწყობილობით,—გარდა მიწის სამუშაოსი, რომელიც აღნუსხულია მეორე თავში,—ცალი 30 სულ შეშვიდე თავის ხარჯი 187 ათასი.

თავი შერვე (კითხულობს) მიღებულია ფასები პროექტისა. სადგურის შენობები შენობა მგზავრთათვის და სადგომები დროებითი ფარდულის ტიპისა,—ოთხკუთ. საქ. 160, სულ შერვე თავის ხარჯი 128,000. მან.

თავი მეცხრე. (კითხულობს) 1. წყლის მიწოდება სადგურებისათვის გაკეთება 2 დროებითი წყალსადენისა, თავის მოწყობილობით და ხის აუზით, სულ მეცხრე თავის ხარჯი 50,000 მ.

თავი მეათე. „სადგურის კუთვნილებანი“ принадлежности станций. (კითხულობს) თავი მეათე. სადგურის კუთვნილებანი. ა. გაწყობა ისრებისა თავის ჯვარედინითა შვალეზზე,—15 ცალი.

ბ) დროებითი ჩიხის გამართვა,—4 ცალი.

გ) აშენება შეისრის სადარაჯოსი 2.

დ) სემაფორების მოტანა და დადგმა 4 ცალი.

დადგმა ნავთ-ვარვარა ფარნებისა სადგურებზე,—4 ცალი, სულ მეათე თავის ხარჯი 16,300 მან.

პარაგრაფი დ. ამ პარაგრაფს აქვს შენიშვნა (კითხულობს) მე-X თავის I მუხლის § ა-თვის. სემაფორის მიღება განზრახულია სახაზინო რკინის გზის უშოქმედო ასაქვევებიდან, რის გამო შათი ფასი აღნუსხული არ არის.

ამ მუხლში გახლავთ ერთგვარი ნეოლოგიზმი შემოტანილი ჩვენ ენაში. შეტანილია „перосинокалильные фонари“. ჩვენ 2 სიტყვა შეგვერთეთ და ჭინვარეთ ასეთი ნეოლოგიზმი: „ნავთ-ვარვარა ფარნები“.

(ხმა: ეს ხომ ქალის სახელია) უკაცრავად, ვარვარა—რუსულად გახლავთ ქალის სახელი. ქართულად ბარბარეა. ქართველი ფრ შესცდება და რუსი თუ შესცდება, სხვა სახელი იხმაროს. ქართულა არის ბარბარე, რუსულად ვარვარა.

თავი 11 (კითხულობს) თავი XI. საერთო ხარჯი. აღმინისტრაციის და



სანიტარული ნაწილის შენახვა, ხარჯი საკანცელარიო გადასელისა და სხვა
მე-XI თავის ხარჯი 350,000 მან.

მოულოდნელი ხარჯები (კითხულობს) მოულოდნელი ხარჯი ამ ხარჯთ-
ალრიცხვისთვის მეორედან მეათე თავამდე აღნიშნულ ჯამის ერთის და ერთი
მეოთხედი $\frac{1}{6}$ ანგარიშით. სულ მე-XII თავის ხარჯი 31,400, საერთო ჯამი
ხარჯთ-ალრიცხვისა 340,0000.

სპ. კედია. (აღვილიდან) ეს კარგი ჯაფა დაგაწვით!

თავმჯდომარე. შემდეგი კანონ-პროექტი. მომხსენებეთია პარლამენტის
წევრი ბ. ამირეჯიბი.

საბოლოო ტექსტი გარეშე საქმეთა სამინისტროს შტატებისა.

შალვა ამირეჯიბი. საქართველოს საგარეო სამინისტროსაგან წარმოდგე-
ნილი თავის უწყებების ხარჯთ აღრიცხვა, წინა კრებაზე უკვე მიღებული იყო
პარლამენტის მიერ.

ამ ხარჯთ-აღრიცხვაში ისეთი ცვლილება არაფერია შეტანილი. მხოლოდ
სათაური გამოიცვალა.

საქმე იმაშია, რომ ამ კანონ-პროექტს ეწოდებოდა კანონ-პროექტი გარე-
შე საქმეთა სამინისტროს შტატისა და ხარჯთ-აღრიცხვისა.

სარედაქციო კომისია ფიქრობს, რომ სჯობს დავწეროთ პირდაპირ ხარჯთ-
აღრიცხვა გარეშე საქმეთა სამინისტროსი 1918 წლისათვის.

ეს რასაკვირველა კანონი არ არას. ეს შეადგენს ერთ ნაწილს საზოგადო
ხარჯთ-აღრიცხვისა. ამიტომ უკეთესი იქნებოდა, რომ მას ეწოდებოდეს ხარჯთ-
აღრიცხვა საგარეო საქმეთა სამინისტროსი 1918 წლისა. (კითხულობს).

I. დამტკიცებულ და ამა 1918 წ. ივნისის პირველიდან მიღებულ იქნეს
ამ კანონთან დართული გარეშე საქმეთა სამინისტროს შტატი და ხარჯთ-აღ-
რიცხვა.

II. გადაიდოს სახელმწიფოს ხაზინის თანხიდან ამ კანონის I მუხ. აღნიშ-
ნული ხარჯებისთვის ოთხას ოთხმოცდა ჩვიდმეტი ათასი ხუთას ორმოცდათი
(497550) მან.

შემდეგის განაწილებით: 1) შტატის შესანახავ დ 102550 მან. 2) საკან-
ცელარიო ხარჯისათვის 7000 მან. 3) ბინის დასაქირავებლად 6000 მან. 4)
გათბობისა და სხვა საშინაო ხარჯისათვის 7000 მან, 5) უცხო სახელმწიფოთა
წარმომადგენლების მისალებად 150000 მან., 6) საქართველოს წარმომადგენელ-
თა შესანახად 125000 მან. და 7) მინისტროს განკარგულებაში 100,000 მან.

ეს მუხლები უცვლელადაა მიღებული.

შემდეგ პარლამენტის მიერ მიღებულ ტექსტში ნათქვამია მანქანებზე გა-
დამწერი 4. წლიური ჯამაგირი თითოს 4800 მ. ივლისის 1-დან წლის დამლე-
ვამდე 11200 მ.

ჩვენ დავწერეთ მანქანით გადამწერი.

სხვა ცვლილება ისეთი არ არის რა.

თავმჯდომარე. შემდეგ კანონ-პროექტის შესახებ მომხსენებელი გახლავთ
დავით ონიაშვილი.

განხილვა სახელმწიფოს ქალაქების მბეჭდავ ექსპედიციის ხარჯთ-აღრიცხვის კანონ-პროექტისა.

დავით ონიაშვილი. კანონ-პროექტი სახელმწიფოს ქალაქების მბეჭდავ
ექსპედიციის ხარჯთ-აღრიცხვისა.



პარლამენტის წევრობა, ეს კანონ-პროექტი შესდგება სულ ორი მუხლისაგან, მაგრამ ვიდრე გადავიდოდეთ კანონ-პროექტის განხილვაზე მე მინდა პარლამენტის ყურადღება მივაქციო ორიოდ საზოგადო ხასიათის მოსაზრებაზედ.

ეს კანონ პროექტი გადმოვიდა საფინანსო კომისიაში. საფინანსო და სამრეწველო სამინისტროდან.

ეს სამინისტრო მოითხოვს, რომ პარლამენტმა დამტკიცოს ხარჯთ-აღრიცხვა, რომლის ჯამი უდრის სულ 827295 მანეთს, დაახლოვებით.

შეიძლება ზოგიერთს ეგონოს, რომ ეს ძალიან დიდი არის, ამ გარდამავალ მდგომარეობისათვის, რომელშიაც იმყოფება დღეს ჩვენი რესპუბლიკა. მაგრამ, უნდა მოგახსენოთ, რომ საერთოდ ხარჯები ამ ექსპედიციისა, თუ მივიღებთ მხედველობაში დღევანდელ ცხოვრების პირობებს, არც ისე ბევრი არის. საქმე იმაშია, რომ ექსპედიციას დიდი მუშაობა აწევს თავზედ. თქვენ მშვენივრად მოგეხსენებათ, რომ საბეტდავ მანქანას, ისე ინტენსიურად და სისწრაფით თავის დღეში არ უმუშავნია, როგორც დღეს, როდესაც სახელმწიფოს ძალიან ნაკლები შემოსავალი აქვს.

მაშასადამე, ერთად ერთი წყარო შემოსავლისა არის ის საბეტდავი მანქანა, რომელიც დაუღალავად ჰბეტდავს და ჰბეტდავს ბონ ბს.

ამის გარდა ამ ექსპედიციისთვის საჭირონი არიან ისეთი მომუშავენი, რომელნიც თავის დარგში ნამდვილი ხელოვნები არიან. აი, მაგალითად, ექსპედიციაში არის, ეგრედ წოდებულს, სამხატვრო ნაწილი. უნდა მოგახსენოთ, რომ ამ სამხატვრო ნაწილში ყველას არ შეუძლიან მუშაობა. აქ ისეთნი არიან მოწვეულნი, რომელნიც მართლაც ვირტუოზები არიან თავიანთ საქმისა და მშვენივრად იციან ხატვა და ბეტდავა.

ამის გარდა აქ საჭიროა პასუხისმგებლობა. ეს ისეთი საქმე არის, რომლისთვის ყველა მომუშავეს დაჭირა არ შეიძლება. აქ საჭიროა ინტელიგენტური მუშაობა და ძნელია ამასთანა ადამიანის გამოძებნა.

თუ მივიღებთ მხედველობაში ამ ორ პირობას: ერთს იმას, რომ ექსპედიციას აქვს დიდი მნიშვნელობა, მეორე კიდევ სიძნელეს, სირთულეს ამ შრომისას, რომელსაც ვერ დასრულებს ყველა ჩვეულებრივი მუშავი, მაშინ, გაიგებთ, პარლამენტის წევრობა, რომ ის ფული, რომელსაც მოითხოვს სამინისტრო, მაინც და მაინც დღევანდელ პირობების მიხედვით, არ არის ბევრი.

რაც შეეხება მუშების დაკმაყოფილებას, იმ მუშების, რომელნიც მუშაობენ ექსპედიციაში, უნდა მოგახსენოთ, რომ ის ფარები ის ჯამაგირები ისეთივე არის, როგორც პროფესიონალურმა კავშირმა გადასწყვიტა. ისე, რომ ამის შესახებ დიდი დავა არ იქნება. შეიძლება დავა გამოიწვიოს იმ ჯამაგირებმა რომელნიც სამხატვრო და საბეტდავ ნაწილში არის. ყოველ შემთხვევაში ამაზე შემდეგ გადავალთ, როდესაც ხარჯთ-აღრიცხვას დაუბრუნდებით და დაწვრილებით გავარჩევთ ხარჯთ-აღრიცხვას. ეხლა კი თუ ნებას მომცემთ, კანონ-პროექტს წავიკითხავ.

თავმჯდომარე. უკაცრავად, ვის სურს სიტყვა საერთოდ ამ კანონ-პროექტის შესახებ? არავის. ვინ არის წინააღმდეგი, რომ გადავიდეთ მუხლობრივ განხილვაზე? არავინ. გთხოვთ წაიკითხოთ პირველი მუხლი,

დავ. ონიაშვილი (კითხულობს) 1. დამტკიცებულ და ამა 1918 წლის ივნისის პირველიდან განხორციელებულ იქნეს იქნეს ამ კანონთან დაკავშირებული ფინანსთა და ვაჭრობა-მრეწველობის სამინისტროსთან დაწესებული სახელმწიფო ქალაქების მბეტდავ ექსპედიციის შტატები.



თავმჯდომარე. ვის სურს სიტყვა? არავის. ვინ არის წინააღმდეგი ამ მუხლისა? არავინ. მაშასადამე ეს მუხლები მიღებულია.

გთხოვთ მეორე მუხლი წაიკითხოთ.

დავ. ანიაშვილი. (კითხულობს) 2. გადაიდოს სახელმწიფო თანხიდან ამ კანონის პირველ მუხლში აღნიშნული შტატებისათვის 827205 მან. შემდეგი განაწილებით: 1) მოსამსახურეთა ჯამაგრისათვის 400295 მან., 2) ნორმაზე გადამეტებულ შრომისათვის 126000 მან., 3) ელექტრონის ენერჯისათვის 7000 მან., 4) ქალაქი, საღებავი და ლიტოგრაფიის მასალებისათვის 6000 მან., 5) გათბობისათვის 3000 მან., 6) რემონტი მანქანების, ინვენტარის და შენობის 7000 მან., 7) საკანცელარიო და მოვლოდნელ ხარჯებისათვის 7000 მან., 8) ექსპედიციის შეკვეთილ საგნებზე კერძო ხელოსანთათვის მისაცემი ვასამჯელო 40000 მან., 9) პრაქტიკანტების მოსაწვევად 7000 მან., 10) ფოლადის კასის და სხვა ინვენტარის შეძენა 20000 მან., 11) სასურსათო საშინისტროს ვალი 150000 მან.

თავმჯდომარე. ვის სურს სიტყვა ამ მუხლის შესახებ? არავის. ვინ არის წინააღმდეგი? ეს მუხლიც მიღებულია. გთხოვთ წაიკითხოთ ხარჯთ აღრიცხვა.

დავით ანიაშვილი (კითხულობს).

შტატი სახელმწიფო ქალაქების მბეჭდავ ექსპედიციისა.

თავი I.

გამგე ექსპედიციისა 1. წლიური ჯამაგირი 12.000 მ. 1 ივნისიდან წლის დამლევამდე 7.000 მან.

უფროსი თანაშემწე 1. წლიური 11.400 მან. წლის დამლევამდე 6.650 მ. უმცროსი თანაშემწე 2. წლიურათ თვითეთულს 9.600 მ. წლის დამლევამდე 11.200 მან.

ბუხვალტერი 1. წლიურათ 9.100 მ. წლის დამლევამდე 5.600 მან.

თანაშემწე 1 წლიური 7.200 მ. წლის დამლევამდე 4.200 მ.

თავი II.

საკანტროლო კომისია. უფროსი ზედამხედველი 1. წლიური ჯამაგირი 9.000 მ. 1 ივნისიდან წლის დამლევამდე 5.250 მან.

ზედამხედველი 21. წლიური თვითეთულს 8.400 მ. ყველას 176.400 მ. წლის დამლევამდე 102.900 მან.

თავი III.

სამხატვრო ნაწილი. გრავერი პირველი 1. წლიური 14.400 მან. წლის დამლევამდე 8.400 მან.

მეორე გრავერი 1. წლიური 8.736 მ. წლის დამლევამდე 5.096 მან.

I.

დაჭრა და დათვლა ქალაქებისა. გამნაწილებელი 1. წლიური 8.064 მან. 1 ივნისიდან წლის დამლევამდე 4.704 მ.

დამჭრელი 1. წლიური 8.064 მ წლის დამლევამდე 4.704 მ.

მისი თანშემწე 1. წლიური 5.352 მ. წლის დამლევამდე 3.122 მ.

დამთვლელი ფურცლებისა 4. წლიურად 4.800 მან. წლის დამლევამდე 11.200 მან.

დამთვლელი სახელმწიფოს ბანკიდან 4. წლიურად თვითეთულს 1.800 მ. ყველას წლის დამლევამდე 4.200 მ.



კასირი სახელმწიფო ბანკიდან 1. წლიური ჯამაგირი 1.200 მ. წლის დამ-
ლევაზე 700 მან.

ლიტოგრაფია.

ლიტოგრაფიის გამგე 1—10000 მ. წლის ბოლომდი 6300 მ.
მისი თანაშემწე 1 წლიური 9600 მ. წლის დამლევაზე 5600 მ.
უფროსი ხელოსანი 1 წლიური 10080 მ. წლის დამლევაზე 5880 მ.
დაზგაზე მბეჭდავი 3 წლიური 8064 მ. წლის დამლევაზე 14112 მ.
ხელქეებითი 4 წლიური 6336 მ. წლის დამლევაზე 12544 მ.
გრავერი I კატეგორიისა 2. წლიური 8736 მ. წლის დამლევაზე 10192 მ.
გრავერი II კატეგორიისა 1. წლიური 8400 მ. წლის დამლევაზე 4900 მ.
გრავერი III კატეგორიისა 1. წლიური 6334 მ. წლის დამლევაზე 3724 მ.

მანქანით მბეჭდავი.

I კატეგორიის 4 წლიური 8064 მ. წლის დამლევაზე 1886 მ.
II კატეგორიის 1 წლიური 7728 მ. წლის დამლევაზე 4508 მ.
III კატეგორიის 1 წლიური 7392 მ. წლის დამლევაზე 4312 მ.
დამწყობი I კატეგორიის 5 წლიური 5376 მ. წლის დამლევაზე 15680 მ.
დამწყობი II კატეგორიის 1 წლიური 5040 მ. წლის დამლევაზე 2940 მ.
განზარბველი 2. წლიური 5712 მ. წლის დამლევაზე 6664 მ.
სამხატვრო წამლების მღვსავი 1. წლიური 5376 მ. წლის დამლევაზე
3136 მ.
ქალაღდების მონაგარიზე 1. წლიური 6048 მ. წლის დამლევაზე 3528 მ.
მოლოარე მესაკუჭნავე 1. წლიური 7200 მ. წლის დამლევაზე 4200 მ.
მისი თანაშემწე 3. წლიური 6000 მ. წლის დამლევაზე 4000 მ.
მეტაბულე 1. წლიური 5400 მ. წლის დამლევაზე 3150 მ.
მუშა 10. წლიური თითოს—5040 მ. წლის დამლევაზე 29400 მ.
მომუშავე I კატეგორიის 1. წლიური 4140 მ. წლის დამლევაზე—2415 მ.
“ II “ 5. თითოს წლიურად 3780 მ. ყველას წლის
დამლევაზე 11025 მ.
“ III “ 1. წლიურად 3420 მ. წლის დამლევაზე 1995 მ.
კასირი 1. წლიური 9000 მ. წლის დამლევაზე 5250 მ.
მისი თანაშემწე 1. წლიური 7200 მ. წლის დამლევაზე 4200 მ.
მსახური 2. წლიური 5124 მ. წლის დამლევაზე 5928 მ.
მეკარე 2 წლიური 5040 მ. წლის დამლევაზე—5880 მ.

დ ა რ ა ჯ ე ბ ი.

აფიცერი 1. წლიური 2160 მ. წლის დამლევაზე 1260 მ.
ჯარისკაცი 12. წლიური 540 მ. წლის დამლევაზე 3780 მ.
სულ წლის დამლევაზე ყველას 400,295 მ.

დ ა მ ა ტ ე ბ ა.

ნორმაზედ გადამეტებული შრომისათვის (ქვემოთ აღნიშნული თანხა გა-
ნაწილად წლის დამლევაზე) 126,000 მ.



ელექტრონის ენერჯისათვის 7000 მ.
საღებავე ქაღალდი, და ლითონბრაფის მასალა 60,000 მ.
გათბობა 3,000 მან.

რემონტი მანქანებისა, ინვენტარის და შენობის 7.000 მ.
საკანცელარიო და მოულოდნელი ხარჯი 7000 მან.

ექსპედიციის შეკვეთილ საქმისთვის კერძო ხელოსანთა გასამრჯელო 40000 მ.

პრაქტიკანტების მოსაწვევად 7000 მ.

ფოლადის კასის და სხვა ინვენტარის შექმნა. 20000 მ.

სასურსათო სამინისტროს ვალი 150000 მ.

სულ წლის დამლგვამდე 827295 მ.

თავმჯდომარე. ვის სურს სიტყვა? არავის. ვინ არის წინააღმდეგი ამ ხარჯთ-აღრიცხვისა? არავინ. მაშასადამე ხარჯთ-აღრიცხვა მიღებულია.

შემდეგ კანონ-პროექტის შესახებ მომხსენელი გახლავთ დავ. ონიაშვილი.

კანონ-პროექტი აგრარულ რეფორმასთან დაკავშირებულ სტატისტიკის შედგენისა.

დავით ონიაშვილი. კანონ პროექტი აგრარულ რეფორმასთან დაკავშირებულ სტატისტიკის შედგენისა შესახებ. ხება მომეციოთ, პარლამენტის წევრობ, ამის შესახებ, მოგახსენოთ ორიოდ სიტყვა, რომ განვმარტო შენსი ამ კანონ-პროექტისა.

აი საქმე რაშია.

მიწათ-სოკმედების სამინისტრო თხოულობს სტატისტიკურ განყოფილების დაარსებას. თქვენ მოგეხსენებათ ყველას, რომ ამ უწყებაში დიდი მუშაობა არის დაწყებული. ეს მუშაობა შეეხება აგრარულ რეფორმას, რომელსაც მიზნად აქვს დიდ შემამულეებისაგან მიწის ჩამორთმევა ნორმის მიხედვით და მიწების გადაცემა მშრომელ გლეხების ხელში. მაგრავ ეხლანდელ პირობებში მოგეხსენებათ, აგრარული რეფორმა, რასაკვირველია, ერთი ხელის დაკვრით არ გადასწყდება. ამას წინ უნდა უძღოდეს მიწის მფლობელობის ყოველმხრივი შესწავლა, და უპირველ ყოვლისა, სტატისტიკური შესწავლა. ჩვენ ქვეყანაში, საერთოდ ძალიან ნაკლებად, მოიპოება სტატისტიკური ობიექტიური ცნობები რადგანაც ეს დარგი ძალიან ნაკლებად გვაქ შესწავლილი.

ერთად ერთი მასალა, რომელიც არის ამ დარგში და რომელზედაც შეიძლება დაყრდნოს კანონ მდებელი, არის ის მუშაობა, სტატისტიკური აღწერა, რომელიც არსებობდა 1916 წ. ზაფხულში, ეგრედწოდებული სამეურნეო სტატისტიკური აღწერა.

თქვენ გეცოდინებათ, რომ ტფილისის და ქუთაისის გუბერნიებში მოხდა ეს სტატისტიკური აღწერა. მაგრამ, სხვა და სხვა მიწებების გამო, ამ სტატისტიკურ აღწერამ ვერ გამოიღო ის ნაყოფი, რომლის იმედა ჰქონდა მთავრობას. ის მუშაობა, ასე ვთქვათ, შუა გზაზედ შეჩერდა, და ეს სარგებლობა, რომელსაც მაშინდელი მთავრობა მოელოდა, ვერ გამოიღო. ეს აუარებელი მასალა შეგროვილია და მოითხოვს დეტალურ შესწავლას და სისტემატიზაციას. ამას უნდა დრო და მომუშავე ძალები. მაშასადამე, როდესაც მიწათ-სოკმედების სამინისტრო მოითხოვს სტატისტიკურ განყოფილების დაარსებას, — ამ დაწესებულებამ, უპირველეს ყოვლისა უნდა დაისახოს ის, რომ შესწავლის ქაოტიურად დაგროვილი მასალა, და, ასე თუ ისე, ის დასკვნა გამოიტანოს, რომელიც საჭიროა, უპირველეს ყოვლისა, ამ უწყებისათვისვე.

ეს ერთი.



მეორე, ამ უწყებაში შრიპოვება, სხვათა შორის, სხვა და სხვა დოკუმენტები. თქვენ იცით, რომ ძველი მთავრობის დროს, იყო ეგრეთ წოდებული, საადგილ-მამულო კომისია „Землеустроительная комиссия“, და აქ აუარებელი დოკუმენტები არის დაგროვილი, სხვათა შორის ქალაქები და საფუძვლები მიწათ-მფლობელობისა. ამას უნდა გადათვალდებოდეს და, უპირველეს ყოვლისა, შედარება იმ აღწერილობასთან, იმ სტატისტიკურ გამოკვლევასთან, რომელიც მოხდა 1916 წ.

ეს მეორე მიზანია, რომელსაც დაისახავს ეს ნორჩი დაწესებულება.

საზოგადოდ, ამის მიზანი ის არის, რომ საერთოდ, ყველა გონივრულად და კარგად მოწყობილ საქმეში, აუცილებლად საჭირო არის ის ცენტრალური ორგანო, რომელსაც ეწოდება სახელად ცენტრალური სტატისტიკური დაწესებულება.

თუ სტატისტიკა არ აქვს მოწყობილი სახელმწიფოს, რასაკვირველია სახელმწიფო ვერ გაიგებს ვერც თავის გასავალს და ვერც შემოსავალს.

ამიტომ, დღეს ყველა უწყებას აქვს ასეთი განყოფილება, მაგრამ მიზანი ამ კანონ პროექტისა ის არის, თუ ეხლა ეს შეუძლებელია, მომავალში მაინც, ჩვენ რესპუბლიკაში დაარსდეს ცენტრალური სტატისტიკური დაწესებულება, რომელიც თავის ვარაუდით, თავის ფარგლებში, შემოიკრებს ყველა ამ განყოფილებებს, და, მაშასადამე, რჩება ერთ გვარი პასუხმგებელი ორგანო. ეს მომავლის საქმე არის, მაგრამ, ვიდრე მომავალი შეიქნება, ესევე საჭირო არის დაწესდეს ამგვარი ორგანო. მით უმეტეს, საჭიროა აგრარული რეფორმის ახლო მომავალში გასატარებლად თუ უნარს და დახმარებას აღმოუჩინს ეს სტატისტიკური დაწესებულება.

აი ეს მოკლე მოხსენება უნდა დავასკვნა იმით, რომ ამ დაწესებულებას აქვს დროებითი ხასიათი. განმარტებული ნაგარავეულებად, რომ ეს ორგანო იმუშავებს 9—10 თვის, შემდეგ, შესაძლებელია, ამ მუშაობამ ჩაუყაროს საძირკველი იმ მუდმივ ორგანოს, რომელიც საჭირო არის ყოველ მოწყობილ სახელმწიფოში.

ახლა, კი თუ ნებას მომცემთ გადავალ მუხლობლივ განხილვაზედ.

თავმჯდომარე. უკაცრავოდ, ვის ნებას სიტყვა?

გ. ვეშაპელი (ადგილიდან) მე!

თავმჯდომარე. თქვენ საერთო მსჯელობაზედ გნებათ?

გ. ვეშაპელი დიხ.

გრიგოლ ვეშაპელი (დამ. ნაც. დემ.) ეს კანონ-პროექტი არის წარმოდგენილი ფინანსიურ კომისიის მოხსენებით.

ჯერ-ჯერობით ჩვენ პარლამენტში არ არის შემუშავებული, არ არის გამოკვლეული ჩვეულება, ტრადიცია, თუ რომელი კანონ-პროექტი რომელ კომისიაში უნდა გატარდეს.

მაგრამ ეს წინასწარი შთაბეჭდილებაა. კაცს ეგონება, რომ ეს კანონ-პროექტი უფრო შეადგენს აგრარულ კომისიის საგანს, ვიდრე ფინანსიურ კომისიისას. იმიტომ რომ ფინანსიურ კომისიას, თუ არ მივიღებთ, რასაკვირველია, მხედველობაში გამონაკლისებს, როგორც ყველგან, არა აქვს საშუალება მართო ერთ სპეციალურ საგანზედ იმსჯელოს. მას შეუძლია მხოლოდ ივარაუდოს ბიუჯეტი და ის ხარჯები, რომელიც ფაქტიურად აქვს საქართველოს და რომელსაც მოითხოვს ესა თუ ის სამინისტრო, შეადაროს კასის მდგომარეობა, ამის და მიხედვით, ეკონომიურად მოეპყრას: ან დაუმატოს ან შეამციროს.

არსებითად კი მსჯელობა იმის შესახებ, თუ რამდენად მიზან შეწონი-



ლია ესა თუ ის წესი აგრარულ რეფორმისათვის, თუ რომდენად საქაროა სტატისტიკური ორგანო, — ეს, უსათუოდ, არის საგანი აგრარული კომისიისა, მაგრამ აგრარულ კომისიაში ეს კანონ-პროექტი არ გატარებულა და, ამ შემთხვევაში, მე მგონია, ბრალი ედგება არა თითონ პარლამენტს, იმიტომ რომ პარლამენტი არის ხელმძღვანელი ორგანო, არამედ სამინისტროების კანცელარიებს და უფრო უმაღლეს ორგანოებს.

ისეთი კანონ-პროექტი, როგორც არის, მადნეულ წყლების წყაროების სტატისტიკა, ასეთი კანონ-პროექტი ფინანსითურად და აგრარულად, წარმოადგინა აგრარული კომისიამ. და ასეთი კანონ-პროექტი, რომელიც შეეხება მთლიანად მთელ აგრარულ სტატისტიკას, ყვილა მის დარგს, იქნება ის მადანი თუ თევზებულობა, ოღონდ მიწაზე იყოს და აგრარულ რეფორმისთან ყავშორი ჰქონდეს, ეს გადადის მხოლოდ ფინანსიურ კომისიაში, მიწათ-მოქმედების მინისტრის ადრესის დაწერის გამო. იმიტომ არის, მაგალითად, რომ ერთგვარი არეგულარება ხდება.

ნაწილი ამ დარგისა, ან და ისეთი ხარჯი, რომელიც უსათუოდ დაკავშირებულია ამ დარგთან და მასთან ერთად უნდა იყოს განხილული ფინანსიურ და აგრარულ კომისიის მიერ. ამ ნაწილს იღებს აგრარული კომისია. ეს ეხება მადნეულ წყლების სტატისტიკას, და მთელი კი ცალკე შეიძლება დღეს ფინანსიურ კომისიის მოხსენებით.

შემდეგ აღსანიშნავია, რომ თუ ჩვენი სამინისტროები, სავროთა ხელმძღვანელი საკანონმდებლო ორგანოები, ყოველივე რეფორმას და მით უფრო აგრარულ რეფორმას ევროპიულ წესით ატარებენ, ან უნდათ, რომ ატარონ, მაშინ სტატისტიკა ცოტა ადრე უნდა ყოფილიყო დაგროვილი. თორემ, ეხლა, შეიძლება ითქვას, რომ, რევოლუციის გაღრმავების გამო, სტატისტიკით ხელმძღვანელობაზე მეტი აღმოჩნდება, და არავითარი მნიშვნელობა ამას არ ექნება ცხოვრებაში. კერძოდ იმ სტატისტიკას, რომელიც უსათუოდ უნდა გვექონოდა დაგროვილი, ჩვენ საქართველოს სახელმწიფოს თვალსაზრისით, არა თუ მაშინ არ უთამაშნია როლი, არ გამოუყენებიათ იგი, როცა დატოვების ნორმებით საკითხს სწვევდნენ, არამედ ეხლაც, როდესაც თითქმის უკვე მზად არის კანონ-პროექტი დარგებისა, იმ ფონდის განაწილებისა, რომელიც დაარსდა აგრარულ რეფორმის შემდეგ.

მაღე, ალბად დამტკიცებული იქნება ეს ფონდი, ქალაღზე მაინც დაადგნენ, და განაწილებას შეუდგებიან. ციფრები უკვე არის ჩაწარადევი თუმცა კანონ-პროექტში ჯერ არ არის წარმოდგენილი, მაგრამ ალბად იმასაც მალე წარმოადგენენ და თუ ეხლა იწყებენ ამ დიდ სტატისტიკის საქმეს, — შეიძლება ეს დამფუძნებელ კრებას ერგოს, შემკვიდრობით. ამ სტატისტიკურმა ცნობებმა, შეიძლება კანონების გადამსწავლის დროს ხელი შეუწყონ დამფუძნებელ კრების წევრებს, მაგრამ მაინც და მაინც არ შეიძლება მიზანშეწონილად ჩათვალოს ასეთი წესი სამინისტროს აგრარულ პოლიტიკისა.

ეს ერთი.

ეხლა მე მინდა ვისარგებლო იმ შემთხვევით, რომ ამის გამო შეიძლება ლაპარაკი სამინისტროს აგრარულ პოლიტიკაზე, რასაკვირველია, არა მარტო პერსპექტივებზე, ეს მეტის მეტი გამოისობა იქნებოდა, არამედ ისეთ რამეზე, რომელიც არის ამ ციფრებში, ამ მასალაში დამუშავებული.

მე მგონი, რომ რადგანაც ბ. ხომერიკი უკვე არის მინისტრი არა კომისარიატისა, არა ამიერ-კავკასიის მთავრობისა, არამედ საქართველოს მთავრობისა და სახელმწიფოსი და აგრეთვე მისა ამხანაგი ბ. გელეიშვილი. ეხლა მათ



მუშაობას, თუ იმ მუშაობას რომელსაც ისინი ხელმძღვანელობენ, სხვანიანი ხასიათი უნდა ჰქონდეს. ის კი ძნელი წარმოსადგენია, რომ ერთსა და იგივე ხალხს შეეძლოს, ან და ერთ და იმავე ხალხმა შესძლოს აგრარულ რეფორმისთვის საჭირო ციფრების დაწესება, ჯამის შედგენა, პროცენტების ვარაუდი და სხვა ყველაფერი, როგორც კავკასიის კომისარიატის დროს ისე ამიერკავკასიის რესპუბლიკის დროს. ეხლა, როდესაც ცხოვრებაში ეს პროცესი რეორგანიზაციისა, ნაციონალიზაციისა, გაქართველებისა, რომელიც არა ჩვენ მოთხოვნილებით, არამედ ცხოვრების მოთხოვნილებით, ფაქტიურად ყველგან ტარდება, ეს პროცესი უნდა შეხებოდა თვით მიწათ მოქმედების სამინისტროსაც. მართალია ციფრები დიდი რამ არის საერთოდ, მაგრამ ჯერ კიდევ გოეტეს უთქვამს, რომ სტატისტიკა და ციფრები ისეთი რამ არის, რომ რასაც გინდა იმას დაამტკიცებსო. ასეთი ტენდენციობა როგორც, ეროვნულ ისე პარტიულ მოსაზრებით.

ამ შემთხვევაში მე ვლაპარაკობ ეროვნულ მოსაზრებაზე.

ძნელი წარმოსადგენია, რომ უცხოელმა, პეტროგრადიდან ან და ვარშავიდან გამოწერილმა არა ქართველმა, შეხედოს და გაიგოს, სახელმწიფოსაგან მიწოდებული ციფრები და ისე დაალაგოს, როგორც ეს საჭირო არის კანონ-პროექტისთვის და ნოველებისთვის, რომელსაც მოითხოვს საქართველო ეროვნულ სახელმწიფოებრივ თვალსიზრისით.

თქვითა მე აგრარულ კომისიის წევრი არა ვარ, მაგრამ მუდმივ დავიარები იქ, რადგანაც როგორც პარლამენტის წევრს ამის უფლება მაქვს, ბევრჯელ მოვსწრებივარ ასეთ სცენას, რომ აგრარულ კომისიის ყველა დემუტატი იძულებული არის ილაპარაკოს რუსულად, მხოლოდ იმიტომ, რომ განპარტებითი წერილობით არის წარმოდგენილი ან მარტო რუსულ ენაზე, ან და რუსულიდან ისეა ნათარგმნი ქართულად, რომ ყველა დემუტატი და თავმჯდომარე აცხადებს: სჯობიან რუსულად წავიკითხოთ ვიდრე ქართულადო. რომ ეს ასე არის, ამის შესახებ ხალხთან ახლო მდგომი გაზეთი გვაუწყებს, ეს არის გაზეთი „ერთობა“, იქ სწერია: (კითხულობს).

მე როგორც ვატყობ, აი ამ კილოზე. საქმე იმაშია, რომ აქ ქართულად არის ნათარგმნი, მაგრამ ქართულს არ ჰგავს.

რამდენჯერმე იყო, რომ მომხსენებელს მიუეთხზავდნენ სამინისტროსაგან სხვა და სხვა საკითხების შესახებ, ტყის ექსპლოატაციისაზე, შემდეგ მდინეულ წყლების აღწერისთვის საჭირო სტატისტიკა, და ყველაფერი აღმოჩენილა არა ქართულ ენაზე. რადგან ყველა სპეციალისტები აღმოჩენილან არა ქართველები. რასაკვირველია, ეს შეიძლება იმითაც აიხსნას, რომ საქართველოში აგრარულ რეფორმის გატარება ისეთი საგანია, რომ ამ დარგში ასეთ ნოველების გამოცემა შეეძლოთ მხოლოდ უცხოელებს, ისე როგორც პოლიტიკურ საქურისებს,—უკრიტიკოთ, რომ არ შესულიყვნენ არავითარ განმარტებაში თუ როგორ ეხება ეს ცხოვრებას. შეიძლება უკეთესი აღმასრულებელნი. საერთოდ ამ აგრარულ პოლიტიკისა ჩვენ სამინისტროში არ მოიპოვებოდნენ ვიდრე უცხოელები, რომელიც მხოლოდ იმისთვის, რომ სიმშვილით არ მოკვდნენ სხვა და სხვა სპეციალისტებათ გამოდიან მიწათ-მოქმედების სამინისტროში.

მე დარწმუნებული ვარ, ვერც კანონების შედგენით, ვერც სტატისტიკის შედგენით, ვერც კანონების გატარებით ცხოვრებაში საქართველო, სახელმწიფოებრივ თვალსიზრისით, არ იქნება უზრუნველყოფილი. არ იქნება უზრუნველყოფილი იმიტომ, რომ ამის ავტორები ამის განმანობრციელებელნი არიან უცხოელები.



ეს არის ეროვნული მოსაზრება იმდენად, რამდენადაც, თუ გენბავთ ზღნე ამივე დროს არის წმინდა ხალხური, დემოკრატიული. იმიტომ, რომ, როგორ უნდა მოახლოვოთ პეტროგრადის მუშათა საბჭოს მყოფ წევრებს, რომელნიც ნაფიც-ვეტილების თანაშემწენი იყვნენ პეტროგრადში, რომ უცბად მთელი იურიდიული პოლიტიკა აწარმოვონ მიწათ-მოქმედების სამინისტროს საბჭოში.

და რამდენად გათამამებული არიან, რამდენად შესამჩნევი არის ეს ფაქტი, რამდენად აუცილებელია, თუ გენბავთ ამაზე ლაპარაკი, მე ამის შესახებ მოგახსენებთ მხოლოდ შემდეგ ცნობებს. მე ვადვიკითხე საქართველოს მთავრობის გაზეთი „საქართველოს რესპუბლიკა“ და აგრეთვე „კავკასი“, რომელიც ჯერ კიდევ რუსულ ენაზე გამოდიოდა, დღიდან საქართველოს დამოუკიდებლობის გამოცხადებისა. მე შევადვინე სია იმ პირთა, რომელიც ჩვენ მიწათ-მოქმედების მინისტრს და მის პატივცემულ ამხანაგს მოუწვეუდით აგრარულ რეფორმის გასატარებლად საქართველოში.

1. 25 ივნისიდან—იზრაილ გერშზონი, სამინისტროს ბუხჩალტერი.
2. 23 ივლისიდან იგნატოვსკი—საიურისკონსულტო საქმის მწარმოებლად.
3. 1 აგვისტოდან სკიბაცკი, ცენტრალურ საადგილმამულო მმართველობის საღალა გადასახადების გამგედ.
4. 3 აგვისტოდან—ეგოროვი, სახელმწიფო მამულების მმართველი.
5. 19 აგვისტოდან კუპიროვი, რეგისტრატორი. მერმე რეგისტრატორები კი მოიპოვებინა საქართველოში და ამისთანა სპეციალისტები. (კითხულობს).
6. აგვისტოდან—ყორანოვი, აგრარულ რეფორმის განყოფილების საქმეთა მწარმოებელი.
7. 27 აგვისტოდან დაევი და კრემენსკი—ტყის გამგეობაში.
8. 29 აგვისტოდან—კირალოვი კარგი—ტყეთა მიმღებ კომისიის თავმჯდომარე
9. ნაუშოვი—ტენხაკი.
10. 1 სექტემბრიდან ლუგოვი (ტფილისის სასამართლოს შტატ გარეშე დარჩენილი) სამინისტროს იურისკონსულტის თანაშემწე ნინიძის ალაგას (სიცილი).


საინტერესოა, რომ სწორედ ეს ყოფილა შტატს გარეშე დარჩენილი, როდესაც იუსტიციის მინისტრმა მოახდინა რეორგანიზაცია, მერე აქ ვადმოსულა და ისიც ქართველის ალაგას, ნინიძის ალაგას. ალბად ძალიან შემცდარან, რომ ასეთი სასარგებლო კაცი შტატს გარეშე დაუტოვებიათ.

11. სასნოვსკი—ბოტანიკი—ტფილისის მთავარ ბოტანიკურ ბაღისა. (კითხულობს).

საერთოდ ამ ტყეებისათვის განსაკუთრებით საჭირონი ყოფილან, უცხოელები.

არც ერთი ტყეების მიმღები კომისია არ არის, რომ თავმჯდომარე და ტენხიკი არ იყოს უცხოელი, ალბად ამ ტყეებს განსაკუთრებული თვისება აქვთ. (სიცილი).

12. ზასლავსკი. ლორის ტყის გამგე.
13. იარომენკო სახელმწიფო გამგის განკარგულებაში.
14. ზაგტრეგერი—ვიცე-ინსპექტორა ტყეებისა.
15. ლებედევი—თელავის ტყეთა მიმღებ კომისიის თავმჯდომარე
16. ლინდი, ტენხიკი.
17. კოჩუბევი, ფოთის ტყეთა მიმღებ კომისიის თავმჯდომარე.





18. 2 სექტემბრიდან—როსტოვევი, სატყეო სატეხნიკო ნაწილის სპეციალისტად.

19. განენკო, იქვე.

20. შალერკინი, იქვე.

21. ჩურსინი, ლითონის წყაროების გამგე.

22. რუმინსკი, სანისრე ნაწილის გამგე.

23. 5 სექტემბრიდან. იუზბაშვი—სატყეო გამგეობის საქმის მწარმოებელი.

24. თედოროვი—ტფილისის სახელმწიფო ქონებითა განგის საქმის მწარმოებელი.

25. ჩერსკი, ბორჩალოს მაზრის კერძო მამულების ტყეთა მიმღებ კომისიის თავმჯდომარე.

26. ლორთვევი, იქვე—ტეხნიკი.

27. შირინსკი, მთავარ სატყეო გამგეობის საქმის მწარმოებელი.

28. მედვედევი—მთავარ საადგილ-მამულო სამმართველოს სატყეო განყოფილების კონსულტატი.

29. 9 სექტემბრიდან შემოტი—სოხუმის ოლქის ყოფილი კერძო მფლობელობის ტყეების მიმღებ კომისიის თავმჯდომარე.

30. კრეხოვი, ამავე კომისიის ტეხნიკოსად.

31. 10 სექტემბრიდან. რეზინსკი მცხეთის და საგურამოს რაიონების ტყეთა მიმღებ კომისიის თავმჯდომარე.

32. რეც—ამავე კომისიის ტეხნიკოსი.

33. ტვერდოხლეხოვი—სიღნაღის რაიონის ტყეთა მიმღებ კომისიის თავმჯდომარე.

34. მილოვი—ამავე კომისიის ტეხნიკოსი.

35. ლანკო—მარტყოფის რაიონის ტყეთა მიმღებ კომისიის თავმჯდომარის ამხანაგი.

36. ზეიდენბერგი—ამავე კომისიის ტეხნიკოსი.

37. 11 სექტემბრიდან გრიცენკო—ტფილისის რაიონის ტყეთა მიმღებ კომისიის თავმჯდომარე.

38. მანუჩაროვი—ტეხნიკოსი.

39. ბერნატკი—აბასთუმნის რაიონის მიმღებ კომისიის თავმჯდომარე.

40. ლუკინი—ტეხნიკოსი.

41. პუზანოვი—დროებით მიწათა მთავარ გამგეობის მდივანი.

42. 12 ენკენისთვიდან—კარაპეტინი—დუშეთისა, ტფილისისა და ბორჩალოს სამადნო წყაროების მიმღებ კომისიის გეოლოგად.

43. ვინოგრადოვი (ხმა: ევ რომელი?)

რომელიც ერთმა სოციალ დემოკრატმა დაიჭირა ბორჯომში.

44. ნიკიტინი თელავისა, სიღნაღისა და თიანეთისა სამადნო წყაროებისა და ტალახის გეოლოგიურად გამოსაკვლევეად.

45. 14. ენკენისთვიდან, ნოხაპეტოვი მიწათა მთავარ გამგეობის საზღვართა განყოფილების საქმის მწარმოებლად.

46. პრიტიკინი, დუშეთისა, ტფილისისა და ბორჩალოს მაზრების სამადნო ვითომ ლითონი სწერია, სამადნო უნდა იყოს (ხმაურობა)

თავმჯდომარე. უმორჩილესად გთხოვთ დაუახლოვდეთ საგანს.

გ. ვეშაპელი. ეხლავე ბატონო, მე მინდა ამით ვსაუბრო, თუ როგორ იქნება დამხადებელი სტატისტიკა ჩვენში, აქ არიან კიდევ სხვა პირნი: (კითხულობს)



47. ტრეტიაკოვი, თელავისა, სიღნაღისა და თიანეთის სამადლო წყაროების მიმღებ კომისიის თავმჯდომარედ.

48. 16 ენკენისთვიდან, ივანოვი, გორისა და შორაპნის მაზრების სამკურნალო წყლების მიმღებ კომისიის თავმჯდომარედ.

49. სმირნოვი, იქვე გეოლოგად.

50. გრიცენკო, ტყეთა უფროს რევიზორად ტფილისის გუბერნიაში.

51. ზაკტრეგერი, ტყეთა უმცროს რევიზორად ტფილისის გუბერნიაში.

52. იუზბაშევი, ყარაიაზის ტყეთა I ხარისხის გამგედ.

53. იარომენკო მეორე ხარისხის ტყის საქმეთა გამგედ გორში.

52. სუკერნი—მეორე ხარისხის ტყის საქმეთა გამგედ თელავში.

53. კლისოვსკი საადგილ-მამულო მთავარ სამმართველოს საილალ გდასახადთა განყოფილების გამგის თანაშემწედ.

54. ოფიარი, იქვე მონაგარიშედ.

55. იზმაილოვი.

56. ვოსკო.

57. ბლენიკოვი,

58. ბიეოვარუნ,

59. ვასილიევი სოქის ოლქის საადგილ-მამულო კომიტეტის წევრებად.

60. 20 ენკენისთვიდან, აკერკინი „კარდანახ“-ის მამულის მმართველად,

61. ბაიმატოვი ლანჩხუთის რაიონის სატყეო კომისიის ტეხნიკი.

62. ბაჯუკოვი—იქვე ტეხნიკოსად.

63. ბულინდინი—მარტყოფის რაიონის ტყეთა-მიმღებ კომისიის ტეხნიკოსად.

64. კუარინსკი—მეგელე.

65. 30 სექტემბრიდან—ატყოვი და გრონინი მთავარ საილალ გდასახადთა განყოფილების გამგის თანაშემწე.

66. ოქტომბრის 2. შიმანოვსკი, საადგილ მამულო გამგეობის თავმჯდომარე.

67. 18 ოქტომბერი—რობუჯი კანცელარიის საქმეთა მმართველის მთავარ თანაშემწის თანამდებობის ამსრულებელი.

და უკანასკნელი პიროვნება, რომელიც, თუ შეიძლება ასე ითქვას რუსულად, თავს აძღვეს, возглавляет, იმ ინსტრუქტორებს, ეს გახლავთ ბ. ნ. დ. სოკოლოვი, რომელიც კარგად გეხსომებათ, როგორც გვაცნობეს გაზეთებმა, გამოსცა ბრძანება № 1. (არსენიძე: ეგ არ არის მართალი!) ანდა მიიღო შონა-წილეობა მის განოცემაში.

თავმჯდომარე გთხოვთ არსებითად შეეხით საკითხს.

გ. ვეშაპელი. ჯერ არ ყოფილა ჩვენ პარლამენტში პრეცედენტი, რომ ორატორისთვის ეთხოვნოთ არსებითად შეხებოდა საკითხს.

თავმჯდომარე. გთხოვთ დაუახლოვდეთ საგანს, და ნუ მეკამეთებით მე როგორც თავმჯდომარეს.

გ. ვეშაპელი. ეხლა მთელ საოლქო, მთელ ოლქის, საქართველოს ტერიტორიის საადგილ-მამულო გამგეობის თავმჯდომარედ არის სოკოლოვი.

არ ვიცი რა სტაჟი მიუძღვის აგრალურ საქმეებში მას, როგორც გაზეთები ამბობენ, უფრო სამხედრო სტაჟი მიუძღვის, ყოველ შემთხვევაში, იმ მხრივ მაინც, რომ ფრონტზე იგი გალახეს საღდათებმა.



ეხლა ის არის თავმჯდომარე, ხელმძღვანელი საქართველოს ტერიტორიის საიდგილო-მამულო გამგეობისა, ჯერ ჯერობით არ ვიცი რა კანონ-პროექტს შეიმუშავებს. ეს კი ვიცი, რომ ანანოვის მამულის ბედის გარდაწყვეტის დროს, შეიძლება მისი კონკისკაცია თუ არა, სოკოლოვი იყო ანანოვის წარმომადგენელად სამინისტროში.

მაგრამ ეს კია, რომ არ შეიძლება ლაპარაკი იმაზედ, რომ სოკოლოვი ჩანოვლიდა ბორჯომიდან მარტო მთავრობის სანახავად, იგი მარტო ამისთვის არ ჩამოსულა. როგორც ამბობენ მას დავალებული აქვს, ზოგიერთ რუსების დიდ შემამულეების საქმეების მოგვარება, ერთგვარი კომპენსაციის მოძებნა.

ჯერ არ ვიცი თუ რა გაცეთა ისეთი ამ სოკოლოვმა, რომ საქართველოს სახელმწიფოს ფონდის მიწების მთავარ ხელმძღვანელად, და ყველა იმის ხელმძღვანელად. რაც შეეხება საიდგილო-მამულო განყოფილებას, უნდა იყოს ნაფიც ვეჟილი ჩამოყვანილი რუსეთიდან. ჯერ-ჯერობით ის კი ვიცი, რომ გააკეთა ისეთი აგრარული ექსპერიმენტი, როგორც იყო, მაგალითად, ის, რომ თავის თანამდებობით გაანთავისუფლა სოხუმში აჯანყებულები, როგორც მაგალითად დემიანოვი.

შემდეგ უცხად გახდა შუამავალი ჩვენ მთავრობის მინისტრების და დატუსაღებულ ბალშევიკების შორის მიუხედავად ერთგებისა და წლოვანებისა, ასე რომ იმედი უნდა გვექონდეს, თუ ასე გაგრძელდა აგრარული ინსტრუქტორობა სოკოლოვისა, იგი ალბად ერთ ორს დატუსაღებულს კიდევ ვამოაყვანს თავის კისერზე ციხიდან.

მე, როგორც ბარლამენტის წევრს, შემძლო მეთქვა, რომ როდესაც ასეთ დიდ ელემენტებს აქვთ დატოვებული მიწათ-მოქმედების სამინისტრო, როდესაც ხდება უკუღმართი რეორგანიზაცია, უკუღმართი მოქმედება ამ სამინისტროში, როდესაც აუარებელი არა ქართველი ქვეშევრდომი არ მცოდნე საქართველოს პირობებისა ინაშნება ამ სამინისტროში და ეს ხდება იმ დროს, როდესაც სხვები ზრუნავენ ასეთ ბალსტის თავიდან მოშორებას,—ასეთ სამინისტროს, ყოველ შემთხვევაში არ შეუძლიან დაამზადოს საქართველოს პირობების შესაფერი სტატისტიკა, თუნდაც ამისთვის მეტი ფულიც დახარჯოს, ვიდრე ეხლა იხარჯება.

მე მგონი, რომ ამ ფაქტს, ამ დეკრეტს კვლავ ბრძანების ხასიათი ექნება მაგრამ ცხოვრების პირობები კი არ ექნება ნავარაუდევო.

თავმჯდომარე. სიტყვა ეკუთვნის მთავრობის წარმომადგენელს.

მიწათ-მოქმედების მინისტრის ამხანაგი **პეტრე გელუშვილი.** ბ. ვეშაპელმა სულ სხვა სფეროში ვადიტანა თავისი სიტყვა.

მე მგონია, რომ ეს ისეთი უბრალო საგანია და სტატისტიკის მნიშვნელობა ყველასთვის ისე ცხადია, რომ თუ ეს საკითხიც კამათს გამოიწვევდა,— არ მეგონა.

ბ. ვეშაპელმა რეორგანიზაციას ნაციონალისტური საკითხი დაუკავშირა, ისარგებლა ამ შემთხვევით და დასკვნა გამოიყვანა. მე დარწმუნებული ვარ, რომ ის სამინისტრო, რომელიც სხვა და სხვა ერების წარმომადგენლებს ასე მრავალ ადგილს ვერ შეადგენს შესაფერი სტატისტიკას საქართველოსო.

ჩვენ აქ მიწათ-მოქმედების სამინისტროს სახელით უნდა განვაცხადოთ, რომ ჩვენი სამინისტრო არ შეადგენს გამოწაკლისს. მთელი მთავრობა იმ აზრისაა, რომ უნდა ხალხს და ერს ჰქონდეს თავისი ენა, და საქმე უნდა სწარმოებდეს მის ენაზე. მაგრამ, არის ერთი დიდი „მაგრამ“. ეს „მაგრამ“ იმაში



მდგომარეობს, რომ ჩვენ სამწუხაროდ, ამ საქმეში, როგორც ყოველ სხვა დარგში, ვერ ვართ სათანადოდ მომზადებულნი და სათანადო ხალხს ვერ ეპოულობთ.

წარსულმა რუსეთმა, თავის ბატონობის დროს, მარტო იმით კი არ დაგვსაჯა, რომ ჩვენ საუკეთესო შეილებს კატორგაში ალბობდა, და სახარზობელაზე აჰყავდა, იმან დაგვსაჯა იმითაც, რომ არ მოგვცა ის აპარატი, რომელსაც რუსულათ „ЗЕМСТВО“ ჰქვიან, და რომელიც ჰქმნის მესამე ელემენტს, მესამე, — მუშათა ელემენტს, ურომლისოდ ვერავითარ დაწესებულებას ვერ შეუქმნიან იმოქმედოს.

ხშირად, აი ეხლაც ამ წუთს, როდესაც ვასრულებთ ჩვენ მოვალეობას, როდესაც ცხოვრებამ დამაყენა ამ გვარ მდგომარეობაში, მე ხშირად, ყოველ დღე თითქმის, მაქვს ლაპარაკი ჩვენ ახალგაზრდობასთან. მოდის ჩემთან ქართველი ქალი, რომელსაც აქვს გათავებულ უმადლესი სასწავლებელი, მოაქვს თხოვნა ქართულათ დაწერილი, იცის რომ მიწად-მოქმედების სამინისტროში უნდა მოხდეს ნაციონალიზაცია. ვეკითხები: „ქართული იცით“.

გაწითლდება და მეტყვის: „კი, მეცოდინება“.

„პო, და“ როდესაც გეცოდინებათ, მაშინ სავასუხის-მგებლო საქმეს მოგცემთ.

არ შეიძლება, რომ ქართველ ქალმა რუსული იცოდეს უფრო კარგად ვიდრე რუსმა, და მამასადამე, იმათ, ვინც ადგილზე არიან, ადგილიდან ვერ დავითხოვთ, იმისთვის რომ იმათ საქმე კარგათ იციან, და ვერ დავითხოვთ იმ ქალებსათვის, რომლებმაც არც ქართული იციან, და არც რუსული. ეს მე შიშაჩნია სახელმწიფოებრივ თვალსაზრისით მიუღებლათ.

აქ ჩამოთვლილი იყო, სხვათა შორის, რამდენიმე გვარი ვეშაპლის მიერ. ჩამოთვლილი იყო რამდენიმე ათეული გვარი. და ჩვენ სამინისტროში კი გვყავს რამდენიმე ასეული კაცი. ეს მოსამსახურენი თითქმის ყველანი იყენებ ამ სამინისტროში. ესლა არ არიან დაქირავებულნი, ესლა ხდებდა გადაჯგუფება, ერთ უფრო ნაკლებ საპასუხისმგებლო ადგილზე, ან და დროებითი ადგილებზე გადაყვანა.

ბ. ვეშაპელს, რომ ერთი წლის წინად შეედგინა სტატისტიკა, მაშინ რამდენიმე ათეულ გვარს კი არა, — ასეულ გვარს მოიყვანდა.

გარდა ამისა გეტყვი, რომ ზოგ-ზოგი გვარებში, რომლებიც მან დაგვისახელა, — გეგოროვი. გერშენზონი, სკიბიცი და სხვები.. არც ისე ხელწამოსაკრავი არიან. შემძლიან მოგახსენათ, მაგ. გერშენზონის შესახებ, რომელმაც ძალიან ბევრი უსიამოვნება მოაყენა ბ. ვეშაპელს-გაზეთებში იყო დაწერილი წერილი. სათაური იყო შემდეგი: „Какъ Петръ Гелейшвили проводить национализацию“. მოყვანილი იყო, რომში დავითხოვე ქართველი ბუჰალტერი. საქმე შემდეგ შიდა ბუჰალტერის საქმე ისეთი გახლავთ, რომ მკოდნე ბუჰალტერს ძალიან ხშირად ვერ ვიშოვით. შე დამხვდა ჩვენ სამინისტროში ისეთი ბუჰალტერიის მწარმოებელი, რომ რახატლუკუმს რომ აკეთებენ სპარსელები, იმათაც უფრო კარგათ ექნებოთ მოწყობილი ბუჰალტერია, ვიდრე მე დამხვდა. როდესაც მე შეველი სამინისტროში იქ დამხვდა ბუჰალტრად ისეთი კაცი, რომელსაც არაფელი არ გაგებოდა ბუჰალტერიაში. ჩვენ დავაწყვეთ ძებნა, რა თქმა უნდა, ჩვენ რომ მოგვინახა ისეთი ქართველი, რომელმაც შესათერისად სკოდნოდა ბუჰალტერია, ჩვენ ხელს არ ვკრავდით, თქვენ უნდა დავვიჯეროთ. ქართველების წინააღმდეგ ჩვენ რატომ წავიდოდით? რომ ჩვენი სამინისტრო არ შეადგენს გამონაკლისს სხვა სამინისტროდან, რომ ჩვენ უნდა უეჭველათ გვყვანდეს ქართველი ბუჰალტერი, — ეს ჩვენც კარგად ვიცით, მაგრამ რა უყოთ, როცა ვერ ვიშოვეთ ქართველი კაცი?



ჩვენთან მოვიდა ებრაელი, რომელმაც მიიღო უმაღლესი განათლება, ვა-
თაგა ზნიფერსიტეტი, გარდა იმისა, გაათავა ის სპეციალური საწავლებელი, სა-
დაც ასწავლიან სპეციალურ დარგებს და ბუხჰალტერიას; მოვიდა ეს კაცი და განა
მე ხელო უნდა მეკრა მისთვის? განა საქმე უნდა ჩამეფუშა? მეც ავღიქტი დი მი-
ვილე. ამას მოითხოვდა არა ნაციონალური ინტერესი, არამედ, უფრო დიდი
ინტერესი, სახელმწიფოს ინტერესი. ეს ასე იყო. ჩვენ ის დავნიშნეთ.

უნლა, მე მოგახსენებთ ეგოროვის შესახებ.

ეგოროვს მთელი რუსეთი იცნობს, საუკეთესო დეგუსტატორია. მართლა
მოგახსენოთ ეგოროვისთანა 2--3 არ მოიპოვება რუსეთში. ეგოროვი კი არ
მოგვიწვევია, დაგვიხვდა. იგი იყო ღვინის სარდაფში გამგედ. ჩვენ გვაქვს რამ-
დენიმე 100 მილიონის ღვინო. ყველა ღვინის ღირებულობას აძლევს. ვინ უნდა
მოგვეწვია იქ? ბ. რევაზ გაბაშვილი? უკაცრავათ, ბ. ვეშაპელი? ისინი ვერ
გამოიჩენდნენ იმდენ უნარს, როგორც ეგოროვი. ეგოროვს, რომ მოეთხოვა
ხელ ფასის მომატება, შექველია მოუმატებდით, და ვთხოვდით, რომ დარჩე-
ნილიყო.

ბ. ვეშაპელმა დაასახელა აგრეთვე შედეგები. მე მგონია, რომ ყველა ვი-
საც საქართველოს ბედი აინტერესებს, ვისაც კი, რასაკვირველია, საქართვე-
ლოს ეკონომიურ ცხოვრებაში რამე გაეგება, ის სირცხვილად ჩასთვლის იმ გა-
ნცხადებას, რომელიც გააკეთა ამ ტრიბუნიდან ვეშაპელმა. ალბად არ სცოდნია
მას, რომ ეს ის მოხუცი მედეგებია, რომელსაც აქვს დიდი ნაშრომი.

არიან პარლამენტის წევრები, რომლებმაც ჩინებულად იციან, და დამი-
წოწმობენ, რომ არის ჩინებული შრომა შედეგებისა, რომლის მშგავსი ძნელი
სანახავია. არამც თუ ჩვენში, საქართველოში, არამედ რუსეთშიაც კი.

საქართველოში არავის არ შეუსწავლათ მიწის საკითხი ისე, როგორც
მედეგებს. მე ურჩევ ბ. ვეშაპელს, სანამ მედეგების გვარს დაასახელებს, მედე-
გების ნაშრომს გაეცნოს, და მაშინ საქართველოს პარლამენტის უფრო უკე-
თესი, უფრო სასარგებლო წევრი იქნება, ვიდრე დღემდის (ვეშაპელი: სოკო-
ლოვი?)

ჩემი დაცვა არ ესაჭიროება სოკოლოვს. მისი გვარი და წარსული ამტ-
ქიცებს იმის კარგაკობას. ვიმჯობრებ, ჩემი დაცვა იმას არ ესაჭიროება.

რაც შეეხება, რასაკვირველია პრინციპიალურათ კითხვას ნაციონალიზა-
ციის შესახებ, უნდა მოგახსენოთ, რომ ეს მოსამსახურენი უკვე დაგვიხვდნენ,
გარდა გერშენზონისა, და ერთი ორი კაცის, რომელნიც უნიკუშიები არიან, და
არ შეგვეძლო ისინი არ მიგველო. არც ერთ სამინისტროში ასეთი ნაციონა-
ლისტია არ გამოცხადებულა. ეს მოწვეულნი პირნი ისეთი საჭირო პირნი
არიან, რომლის მსგავსებას ვერ იშოვით, რა ნაციასაც არ უნდა ეკუთვნოდეთ
სულ ერთი.

რაც შეეხება თვით სტატისტიკას, მე არ ვოცი, რა დამოკიდებულება აქვს
ამ ნაციონალიზაციას. უნდა ვანუგეზოთ ბ. ვეშაპელი, ეს შტატები თითქმის
ყველა პარტიებმა ერთხმად მიიღეს. აქ იყრის თავს ჩვენი მოსწავლე ახალგაზ-
დობა ქართველი ქალები და სტუდენტები.

ჩვენ და სამწუხაროდ, ჩვენი სამინისტრო მეტად გრძნობს საჭიროებას მო-
მზადებულ ქართველ ახალგაზდობაში. ჩვენ გვაქვს ისეთი დარგები სტატისტი-
კის, რომელიც მოითხოვს სოფლებში მუშაობას. მერე ვინ უნდა გავგზავნოთ
სოფელში? რომ ვიფიქროთ, მართლაც ხომერის და გელეიშვილს ქართველი
არავინ უნდათ, როგორც ვეშაპელი ამბობს, თითონ ფაქტი, თითონ ცხოვრება
ხომ გვიკარნახებს, რომ უნდა გავგზავნოთ ქართველი, მაგრამ ჩვენ ახალგაზდო-



ბაში მცოდნე არაფერ არის. ჩვენ თუმცა უყრით თავს მოსწავლე ახალგაზღვრებს, მაგრამ, სანწუხაროდ, ხელმძღვანელის როლში ვერ გამოვიყვანთ, ერთი და ორი შეიძლება დავასახელოთ, რომ ხელმძღვანელობის როლი იკისროს.

სტატისტიკაზე, სტატისტიკურ გამოკვლევებზე საზოგადოდ, არსად ისე ბევრს არ ლაპარაკობენ, როგორც ჩვენში, მაგრამ, ჩვენსავით მოუშალებელი ამ დარგში, არც ერთი კუთხე არ მოიპოვება რუსეთში. ჩვენ, რასაკვირველია, ბევრს ვლაპარაკობთ, მაგრამ, იმასაც, ვისაც დიპლომი აქვს, დაუჭერია ეგზემენი და მიუღია ამაში, ამ საგანში იმასაც კი ძალიან ნაკლები წარმოდგენა აქვს. ასე რომ ხელმძღვანელ როლისთვის ჩვენ არაფერ არ გვყავს.

ასეთები ჯერ იქნებიან რუსები, სომხები, ისრაელები და არა ქართველები. მაგრამ, ჩვენ, რასაკვირველია, თითონ ცხოვრება გვიკარნახებს, რომ საჭიროა უმაღლეს სასწავლებელში ორივე სქესის ასალგაზღვრებამ მოიყაროს თავი და შეიძლება რამდენიმე წლის შემდეგ გამოვდნენ ხელმძღვანელებადაც.

ეს არსებითად დღევანდელ საგანს არ შეეხება. მაგრამ, ვსარგებლობ შემთხვევით, რომ ის გვარები, რომელნიც არიან ჩამოთვლილი, უმეტესი ნაწილი მათში ჩვენ დავიხვდნენ და მათ ასე უმიზეზოდ ვერ დავითხოვდით.

ბევრი დავითხოვეთ, იმიტომ რომ მთელ ამიერ-კავკასიისთვის იყვნენ, კავკასიის აქით მხრისთვის. იმიტომ შევამოკლეთ ის, რაც შეიძლებოდა და რასაც მოითხოვდა საქმის ინტერესი: მაგრამ თან და თანობით. მივიღეთ ქართველებიც, მივიღეთ აქაური მცხოვრებლებიც და რასაკვირველია, აქაურ ერების წარმომადგენლებიც. მაგრამ, მივიღეთ იმისთვის კი არა, რომ ეს იყო სომხები, ან რუსი. მივიღეთ იმისთვის, რომ აუცილებლად ის უკეთესი მუშა იყო.

ჩვენც გვაქვს ასეთი გეგმა. ამას თან და თანობით ჩვენც გავატარებთ, მაგრამ, ერთი ხელის მოხმით შეიძლება მხოლოდ სიტყვის დაწერა, მაგრამ, საქმე არ შეიძლება გაკეთდეს, არ შეიძლება პირობა მოგვცეთ, რომ ერთი ხელის დასმით გავაკეთებთ ამას. ერთ წუთში ჩვენ ყველაფერს ვერ გავაქართველებთ. ეს იქნება დალუპვა ჩვენი სახელმწიფოებრივი ინტერესების და ამ დალუპვაში ჩვენ მონაწილეობას ვერ მივიღებთ.

თავმჯდომარე. პარლამენტის წევრი ლლონტი.

თედო ლლონტი. (ს.-ფ.) სოციალისტ-ფედერალისტთა ფრაქციამ ეს კანონ-პროექტი როდესაც განიხილა თავის სხდომაზე, მას მხარი დაუჭირა მხოლოდ შემდეგი მოსახრებით, და ეს შემდეგი მოსახრება იყო უმთავრესი მოსახრება: რადგანაც კანონი მიწების ჩამოთმევის შესახებ უკვე მიღებულია, მიწათ-მოქმედების სამინისტროს დიდი მუშაობა აქვს, — აგრარული საკითხი დიდი საკითხია, გართულებული საკითხი არის ჩვენ ცხოვრებაში. იმიტომ, ამ სამინისტროსთვის, ამ საქმის გასაკეთებლად ნურავითარ სახსარს ნუ დავიშურებთ.

ჩვენ ვიცით ჩვენი ფინანსიური მდგომარეობა, და იმიტომ, რომ საქმე გაკეთდეს ჩვენ ფრაქციას საჭიროდ მიაჩნია თავისი აზრი გამოსთქვას შენიშვნის სახით.

რაც შეეხება კანონ-პროექტის უმთავრეს შინაარსს, ჩვენი შეხედულება ამ საგანზე შემდეგში გამოიხატება: ჩვენ გვინდა, რომ ამ საქმეში საფუძვლათ იყოს გულწრფელი, საქმის სიყვარულით გამსჭვალული მუშაობა.

იენასში, როდესაც პარლამენტმა აირჩია სხვა და სხვა კომისიები, ჩვენ შეგვმინით აგრარული კომისიაც. როდესაც ჩვენ მოვიწვიეთ ამ უწყების, მიწის მოქმედების სამინისტროს წარმომადგენელი, ჩვენ მაშინათვე დაგვიკირდა სხვა და სხვა ცნობები მიწის საკითხის შესახებ. მაშინ უწყების წარმომადგენელმა განაცხადა, ეს აგრარულ კომისიის ყველა წევრმა იცის, — მაშინ განაცხადა პა-



ტივეციმულმა ბ. ხომერკმა, რომ ასეთ ცნობებს შოგვეცემდა 10 დღის განმავლობაში. რადგანაც ჩვენ დაახლოებული ვიყავით ამ საკითხთან ექვი ვამოვსტყვი. ჩვენ ვიცოდით, რომ ძალიან სასურველი იყო ცნობის მიღება, მაგრამ 10 დღის განმავლობაში კი არა, 1—2 თვის განმავლობაში რომ მიგვეღო ეს ცნობები, — უდიდესი დამსახურება იქნება იმ კომიტეტის და იმ ორგანოს, რომელნიც ამ საქმეში მუშაობდნენ.

გავიდა არა 1—2 თვე, და გამართლდა ის, რასაც ჩვენ ვამბობდით კომისიაში. მაგრამ ამის ვამბობდით არა მარტო ჩვენ, თვით სოციალ-დემოკრატების წარმომადგენელი ამბობდნენ, რომ შეიძლება ჩვენი მიზანი, და ინტერესი ამ უწყებაში ისე ვერ შეასრულოს, როგორც ჩვენ გვინდა, და გვაინტერესებს, თუმცა აქ აღნიშნული იყო, რომ მაშინაც სათავეში იდგა ცნობილი მუშა სტატისტიკის დარგში.

რამდენიმე თვის შემდეგ სწორედ გამართლდა კომისიის წევრების ჩივილი და აზრი, რომ ბოლოს მოვა ამ უწყების წარმომადგენელი, და იტყვის, რომ ის მასალა, რომელსაც თქვენ ანგარიში უნდა გაუწიოთ და რომელნიც მე უნდა წარმომიდგინა, ის მასალა სწორე არ გამოდგა. წარმოიდგინეთ ერთ სხდომაზე, აგრარულ კომისიის სხდომაზე, როდესაც გვინდოდა, როდესაც ჩვენ მოვთხოვეთ ძირითად საკითხისთვის, აგრარულ რეფორმისთვის საჭირო ცნობები, გამოგვიცხადეს, რომ შოგი ერთ ცნობებს კი მოგვეცემენ, მაგრამ მთავარ ცნობებს ვერ მოგვეცემენ. ვერ მოგვეცემენ იმიტომ, რომ თვითონ ის მასალეა, რომელიც მათ უნდა გადაეცინათ და შეემუშაებინათ, არ იყო სწორი და სინამდვილეს არ შეეფერებოდა.

უნდა მოგახსენოთ, რომ სტატისტიკა თითონ ისეთი საქმეა, რომელსაც შეიძლება დიდი კრიტიკა გაუკეთდეს და აუარებელი შეცდომები და დანაკლისი აღინიშნოს. და რომ ასეთ ნაკულლოვანებას ასცდეს სტატისტიკა, ამისთვის საჭიროა მეტი დრო, საჭიროა ხელახლად შემუშავება. ასე რომ, ფორმალურადა სწორე იქნება იმ კაცის განცხადება, ვინც ამ საქმეს განაგებს, რომ ჩვენ არ შეგვიძლიან ძირითად გამოვარკვიოთ და გადავწყვიტოთ ამ ჟამათ ეს კანონპროექტი, როგორც ეს მიწათ-მოქმედების მინისტრის ამხანაგმა ბ. გელეიშვილმაც გადმოგვცა.

თვით ეს კანონპროექტი საფინანსო უწყებაში ყოფილა, და კაი ხანია გადმოცემულია, თუ არ ვცდები, მე მგონია ივლისში (ხმა: არა.), კაი ხანია გადმოცემული არის. ჩვენ კი გვაინტერესებდა, აგრარულ კომისიისთვის, რასაკვირველია, საინტერესო იყო, რომ გადმოსცემოდა ეს კანონპროექტი, მაგრამ აგრარულ კომისიას ეს კანონპროექტი მიღებული არ ჰქონდა, თუმცა ბ. გელეიშვილმა გამოაცხადა, რომ ეს კანონპროექტი უნდა მოსულიყო აგრარულ კომისიაში. მაგრამ, ამ ჟამათ, ჩვენ ვიცით, როგორც აგრარულ კომისიის წევრმა, კერძოთ მე ვიცო, რომ აგრარულ რეფორმის ძირითადი კანონპროექტი თითქმის შემუშავებულია, და წარმოდგენილი მთავრობაში. ისე, რომ ჩვენ გამოვსტყვათ აზრს, რომ ეს ძირითადი კანონპროექტი შემოვა, ყოველ შემთხვევაში, კომისიაში 10—15 დღის განმავლობაში.

სათაური ამ კანონპროექტისა შემდეგია: (კითხულობს) კანონპროექტი აგრარულ რეფორმისთან დაკავშირებულ სტატისტიკის შედგენისა. მაშასადამე, ეს ეხება სწორედ იმ ძირითად საკითხს, რომელიც უკვე დასმულია მთავრობისაგან, და თუ კი ეს არის, მე არ ვიცი, ამ დიდ მუშაობისთვის, როგორ შეიძლება სტატისტიკურ ცნობების შედგენის დაგვიანება?

თავის თავად, — ამ მუშაობას დიდი მცნიერული მნიშვნელობა აქვს, და



მით უფრო, აგრარულ რეფორმის ძირითად შემუშავების დროს. ჩვენი ფრასტა ცია, რა თქმა უნდა, მხარს დაუჭერს. მაგრამ ამას, ჩემის აზრით არ შეიძლება პრაქტიკული მნიშვნელობა ჰქონდეს. ამიტომ, კარგი იქნებოდა, რომ ამის მეთაურებს ეს საქმე გაეცეთებინოთ, მე არ ვიტყვი 1 თვის განმავლობაში, — 3—4 თვის განმავლობაში მაინც. ჩვენ არ შეუშლით მიწად-მოქმედების მინისტრს ხელს, ამ კანონ-პროექტს დავადასტურებთ, მაგრამ თუ კი ამას მოუცადეთ, მაშინ, ძირითადად, აგრარულ რეფორმისთვის შემუშავებულ კანონ-პროექტს ვერ ვიზილავთ. თუ კი დღევანდელ მდგომარეობაში არ იყო შემუშავებული მიწად-მოქმედების სამინისტროს მიერ სტატისტიკა, მე თქვენ გიტყვი, — დამფუძნებელ კრებას მოვიწვევთ, მაგრამ ისეთივე მდგომარეობაში ვიქნებით, როგორც ესდღა ვართ. არც მაშინ გვექნება ის სტატისტიკური ცნობები, რომელიც საჭირო არის, ამ საკითხისთვის.

მე უნთა ვსთქვა, სწორედ ამ საკითხისთვის, რომელიც ხაზ გასმით იყო აღნიშნული ბ. ვეშაპელის მიერ და რომელიც შეეხება ნაციონალიზაციას.

ეს ნაციონალიზაცია ამ უწყებისთვის, მე მგონია, მიუცილებელი საჭიროება არის. მართალია, ბ. ვეშაპელი, როცა ბრძანებს, რომ ჩვენ არ გვყავს არა თუ ამ დარგში, მთელ რიგ დარგებში, მიჩვეული, გაწრთენილი სპეციალისტები, მაგრამ განა თვით მიწათ-მოქმედების უწყებაში, ან და თვით იმ ადგილებზე, მდგომი პირნი, რომელნიც ყველაფერს სწყვეტენ და რომელთა გადაწყვეტილებაზე დამოკიდებული მთელი ჩვენი ცხოვრება, ყველანი მომზადებულნი არიან? განა ყველას გაუვლია ის სტაჟი, რომელიც საჭიროა?

მე დარწმუნებული ვარ, თვით ბ. გელეიშვილისათვის, რომ 1916 წ. გვეთქვა: „თქვენ პირნათლად შეასრულებთ მიწათ-მოქმედების მინისტრის ამბანაგის მოვალეობას“, — აშკარაა, ის გვეტყოდა: „მე გამოვირდება“ — ი, მაგრამ, თუ ჩვენ ჩავაბარეთ იმას ის, იმიტომ, რომ ჩვენ დარწმუნებული ვიყავით მის გულრწინელობაში, რომ მას აქვს სიყვარული საქმისა. საქმე იმაში არის, რომ მართლ მოვალეობისთვის კი არ არის საჭირო საქმის მკოდნე ხალხი, საქმე იმაშია რომ საქმის სიყვარული ჰქონდეს და შემდეგ, მოვალეობის შეგნება.

საქმე ცოდნაში კი არ არის, საქმე იმაში არის, თუ ეს მკოდნე ხალხი, ჩვენ რანაირად გვემსახურება.

ჩვენ დარწმუნებული ვართ, რომ ამ ხალხის შორის არიან ისეთი ძალები, რომელთა ცოდნა ჩვენ გამოგადგება, ამის უარყოფა არ დასჭირდება თითონ ვეშაპელსაც. მაგრამ მე ვიტყვი, რომ ბევრნი იქნებიან ისეთებიც, რომლებიც სარგებლობას ვერ მოგვეცემენ (ვეშაპელი: ძალიან ბევრნი!) და თუ გავითვალისწინებთ ამ სტატისტიკას, მე გეტყვით, ჯერ-ჯერობით, რაც ჩვენ ესთქვით პესიმისტური, ჯერ-ჯერობით ეს გამართლდა. მე იმას ვიტყვი, თვით ბ. გელეიშვილსაც უმუშავნია სხვა და სხვა უწყებებში, მაგრამ წარმოიდგინეთ, მან, რომ მეტი დროც იშოვოს და ამ დიდ საქმეს სათავეში ჩაუდგეს, ისიც ვერ შეასრულებს თავის მოვალეობას და ამ საკითხს ვერ გადასჭრის.

თუ კარგად ვერ გადასჭრით სტატისტიკის საკითხს, თქვენ ვერ გადასჭრით ამ ძირითად აგრარულ საკითხსაც. თუ არ იცით, როგორ არის დანაწილებული მიწა გლჯნაკობის შორის.

ჯერ-ჯერობით ვერც ვერავინ იტყვის, რომ აგრარული საკითხის დედა მარღვი, გადაჭრილი იყოს.

როგორ არის განაწილებული მიწები, რა ლირსების მიწები არის, როგორი ტყეები არის; — ეს საკითხები ჯერ-ჯერობით, ხელუხლებელია. მისთვის საჭიროა, მაშასადამე, რომ თავისი დანიშნულება შეასრულოს ბ. ხომერკიმა და



გელეიშვილმა, საჭიროა, რომ ეს საქმე შოგვარდეს, საჭიროა ეს აუცილებლად.

რაკი ეს ასეა ამ სამინისტროს მართებს, თუ კი სხვაგან ვერ იშოვის საჭირო ძალებს, თითონ როგორმე ჩაუდგეს სათავეში ამ საქმეს, შემდეგ ისინი თითონ ვეტყვიან, როგორი ინსტრუქტორები ეყოლებათ, რომ ყოველ შემთხვევაში მათ დავეყრდნობით, მაგრამ ისინი, როგორც დასაყრდნობი ძალა, ვიმეორებ, არ იქნებიან ჩვენთვის სასარგებლონი.

გარდა იმისა, ჩვენმა ფრაქციამ კიდევ მსჯელობა იქონია საზოგადოდ ამ საკითხის შესახებ. ეხლა ისეთ მდგომარეობაში ვართ, როგორც თვით ბ. გელეიშვილმაც აღნიშნა, რომ ყოველად შეუძლებელია სტატისტიკის საქმე ასეთ მდგომარეობაში დაეტოვოთ.

მე მოგახსენებთ, ჩვენ არავითარი სტატისტიკა დღეს არ გვაქვს. ხშირად თა ვრობის თავმჯდომარე გამოდის და ამბობს: „ამდენი გავვაქვს უცხოეთში, ამდენი შემოგვაქვს“ და სხვა, მაგრამ უნდა მოგახსენოთ, რომ ერთ დღეს დავამტკიცებთ პარლამენტის წინაშე, რომ არავითარი სერიოზული შრომა არ გავაჩნია, რომ ვიცოდეთ რა ალემ-მიცემა გვაქვს, რა გავვაქვს და რა შემოგვაქვს, როგორი არის სისტემა მეურნეობისა, — ეს არაფერი არ გვაქვს მოგვარებული. თუ არ ვიმეორებთ, ვერავითარ მასალას მიწათ-მოქმედების სამინისტრო ვერ მოგვაწოდებს, თუ სტატისტიკა მოუგვარებელია. ეხლა მიწათ-მოქმედების მინისტრის ამხანაგმა განაცხადა, თუ რას ნიშნავს სტატისტიკის მოწყობა.

მე თქვენ გეტყვით, რომ ასეთ მდგომარეობას განიცდის ფინანსთა უწყება, ასეთ მდგომარეობას განიცდის საგარეო უწყება და სხვა ყველა უწყებები. ფრაქციების წარმომადგენლებმა სთქვეს, საჭიროა არა მარტო ისეთ სეპარატიულ სტატისტიკის ორგანოს დაარსება, არამედ საჭიროა მთავარ სტატისტიკურ ორგანოს დაარსება საქართველოში.

ჯერ კიდევ ამიერ-კავკასიის კომისარიატის დროს, ეს კარგად იცის ბ. ხომერიკმა და მისმა ამხანაგმა გელეიშვილმა, მაშინ შტოკმანი იყო სათავეში სასურსათო უწყებისა, და სასურსათო უწყება შეუდგა სამზადისს სტატისტიკური ორგანოს დაარსების შესახებ ამიერ-კავკასიის ფარგლებში.

ჩვენ შეგვიძლიან გამოვსთქვათ სურვილი საქართველოში ცენტრალურ სტატისტიკურ ორგანოს დაარსების შესახებ. ხელმეორედ ვიმეორებ იმას, რაც ჩემის აზრით, იქნება ყველა ფრაქციის მიერ მიღებული, რომ ამ საკითხს უნდა სერიოზული ყურადღება მიაქციოთ და არ დავიშუროთ არავითარი სახსარი, ამ საკითხის მოსაგვარებლად.

და დასასრულს მე მოგახსენებთ, ჩვენ ვიცით, რომ თვით ეს, მიწათ-მოქმედების უწყება გამონაკლის არ შეიადგენს. მასაც მიზნად აქვს დასახული მოახდინოს ხაციონალიზაცია, მაგრამ ისიც უნდა იცოდეთ, რომ იმ ტემპით, რა ტემპითაც ეს საჭირო არის, და როგორც ხდება სხვა უწყებებში, ასეთ ტემპით ხაციონალიზაციის გატარება ამ უწყებაში არ სჩანს.

მე უყურებ მიწათ-მოქმედების სამინისტროს, რომ ამ მხრივ ტემპი შეიცვალოს და ამ დარგში მეტი ენერგია, მეტი ქართული ენერგია შეიტანოს.

თავმჯდომარე. პარლამენტის წევრი კირილე ნინიძე.

კირილე ნინიძე. (ს.-დ.) ბ. ლლონტმა კითხვა სწორედ დააყენა: არის საჭირო თუ არა, რომ არსებობდეს სტატისტიკის მუდმივი ორგანო.

ამ ორგანოს დაარსება საჭიროა და ამის წინააღმდეგ არავინ არ დავობს. ამის წინააღმდეგ არავინ არ დავობს, მაგრამ ეს ამ კითხვას არ ეხება.

თუ ჩვენ დავრწმუნდებით, რომ ეს წარმოდგენილი კანონ-პროექტი არ



არის საჭირო, ესე იგი, ეს სარგებლობას არ მოგვიტანს, ან ხელს შეუშლის იმ პუდმივ ორგანოს,—რომელიც უნდა დაარსდეს. თავის თავად ცხადია, რომ ჩვენ ეს კანონ-პროექტი მაშინ უნდა უარყუოთ.

მაგრამ, ბ. ღლონტი ესე არ სვამს საკითხს. თავში მართლად სვამს, მაგრამ, ბოლოს სწყვეტს სრულიად შემცდარად. და აი, ეს მოსაზრება მოჰყავს, თითქოს კეთილმეზობლურ განწყობილებისთვის,—„ჩვენ არ გვინდა ხელი შეუშალოთ მთავრობასო“ და ამისთვის ამ კანონ-პროექტს მივიღებთო. მაგრამ აქ გაუგებარი რჩება: როგორი არის ამ ფრაქციის ჯაზრით ეს კანონ-პროექტი, სასარგებლოა, თუ მავნე.

პირადათ მე ვფიქრობ, რომ ასე კითხვის გადაწყვეტა შეუძლებელია. ჩვენ ვერ დავგვამდით ასე საკითხს, და ვერ ვიტყვოდით, რომ მთავრობას არ გაუძნელოთ საქმე, იმიტომ ვღებულობთო. აქ სახელმწიფოებრივი საქმის კითხვა არის, და არა იმის, რომ მთავრობას გაუძნელდება თუ არა. და თუ მთავრობას ეს ფული, სჭირდება სახელმწიფოს საქმისთვის, თავის თავად ცხადია, ჩვენ უნდა დავამტკიცოთ, ანდა უნდა უარყუოთ. ასე რომ, მე პირადად მგონია, რომ კითხვის დასმა ასე არ შეიძლება.

რაც შეეხება ბ. ვეშაპელის გამოსვლას, მას ბევრი შრომა გაუწევია, როგორც ეტყობა. მაგრამ, ჩემთვის ერთი რამ გაუგებარი დარჩა. საერთოდ მიღებულია, რომ ეროვნულ-დემოკრატიები გულახდილად მოქმედობენ, და ამბობენ პარლამენტში იმას, რაც სურთ. დღეს ვეშაპელი ასე არ მოქცა. მან სულ სხვა ნიადაზე გადართნა მსჯელობა და კამათი, და არ სთქვა ის, რასაც ხშირათ ამბობს გაზეთ „კლდეში“, რომელიც არის დამოუკიდებელ ეროვნულ-დემოკრატიულ ფრაქციის გაზეთი. ეს გაზეთი ამ ბოლო დროს, ხაზგასმით აღიარებს, რომ დიდი დანაშაულობა ჩავედინეთ, რომ მემამულეებს მიწები ჩამოვართვითო, და ამაზე ლაპარაკობს მემამულეების ინტერესით. მე მგონია, ეს გულწრფელობა საჭირო იყო ბ. ვეშაპელს ტრიბუნუდან გამოეჩინა, და ეთქვა, რომ ის ამ კანონ-პროექტის წინააღმდეგი არის, რადგანაც ის წინააღმდეგი არის აგრარულ საკითხის გადაჭრისა. (ვეშაპელი: ტყუილია.) აი ასე, რომ დაესვა საკითხი, მაშინ, მე მგონია, არ დავკარგავდით იმდენ დროს, რაც დავკარგეთ იმ სტატისტიკაზე, რომელიც აქ წაიკითხა, და რომელსაც არაფერი დამოკიდებულობა არ აქვს არც მიწის საკითხთან, არც იმასთან, თუ სოკოლოვმა 1 № პრიკაზი შეადგინა თუ არა. ამას ამ საკითხთან არავითარი დამოკიდებულობა არ აქვს. უმთავრესად აქ არის საკითხი, სურთ თუ არა დამოუკიდებელ ეროვნულ დემოკრატიულ ფრაქციის წარმომადგენლებს ამ საკითხის ასე თუ ისე გადაჭრა? (ვეშაპელი: როგორ?) როგორც შე მოგახსენეთ.

ბატონებო! მეც არ ვეთანხმები სრულიად ბ. ვეშაპელის ამ მეცნიერულ მოსაზრებას, რომელიც ამბობს, რომ ეხლა ის კანონი მიწების დარიგების კანონი მხალ არის, და იმიტომ არც სტატისტიკა არის საჭიროო. ბ. ვეშაპელი აქ უკუღმა ატრიალებს ტექტიების შეხედულებას, რომელნიც აგრარულ საკითხის გადაწყვეტას ასე უყურებენ, რომ მიწას დავგვირიგებინო. მაგრამ პ. ვეშაპელმა უნდა იცოდეს, რომ მიწის დარიგება არ შეადგენს აგრარულ საკითხის გადაჭრას. აგრარული საკითხი ეგრე არ ვათავდება, და სტატისტიკა არის საჭირო. ბატონი ვეშაპელი ბრძანებს, ასე მოწყობილი სტატისტიკური მუშაობა ვერ გამოიღებს ნაყოფს, და დადებითი შედეგებს ვერ მოგვცემსო. ბ. ვეშაპელს რომ ეჩვენებინა გზა—თუ როგორ მოვეტყულებოდათ, მაშინ ჩვენ ვიტყვოდით, რომ ბ.



ვეშაპელს სცდილობს ჩვენთან ერთად აგრარული საკითხის გადაჭრას. მაგრამ ის ესე არ ექცევა.

ჩვენ გგონია, რომ უკეთესი იქნება, რასაკვირველია, მუდმივი სტატისტიკური დაწესებულება, და სტატისტიკური განყოფილება. მაგრამ, ამის მოწყობისათვის ჯერ საჭიროა ისეთი მუშაობის გაწევა, რომელსაც სამინისტრო ეწევა. ამ მხრივ, რომ შევხედოთ საკითხს, მე გგონია აქ სადავო არაფერი არ უნდა იყოს. ასე რომ, ჩვენი ფრაქცია ჰუიქრობს,— შეიძლება ჰქონდეს ამ კანონ-პროექტს რამე ნაკლი, შეიძლება უკეთესი იყოს, რომ დღესვე მოხერხდებოდეს მუდმივი სტატისტიკურ ორგანოს დაარსება, მაგრამ, მანამ ეს არ მომხდარა, ამ მუშაობის გაწევა საჭიროა, და ყოველ შემთხვევაში ეს ნიადაგს მოამზადებს იმ მუდმივ დაწესებულებისთვის, რომლის მოწყობას ჩვენ შევდგეში ვფიქრობთ.

ახლა კი ორიოდ სიტყვა უნდა ვსთქვა, როგორც აგრარულ კომისიის წევრმა, იმ გაუგებრობის შესახებ, რომლის შესახებ ბრძანა ვეშაპელმა. მან ბრძანა, რომ აგრარულ კომისიის იმ საკითხი არ ყოფილა. მე გგონია, რომ სავალდებულო არ იყო ბ. ვეშაპელისთვის, მუდამ დასწრებოდა აგრარულ კომისიის სხდომებს. მაგრამ, სანამ ამ დებულებას წამოაყენებდა შეეძლო, და უნდა ეცნობა, რომ აგრარულ კომისიამ იქონია ამის შესახებ მსჯელობა, და გამოსთქვა არი, რომ ეს კანონ პროექტი მისაღებია (ვეშაპელი: ეს შეცდომაა), ეს შეცდომაა, რასაკვირველია, უნებლიეთ იყო. მე არ ვამბობ განძრავ ჩაიდინა ეს შეცდომა. მეტი, მაგრამ ბ. ვეშაპელს აქვს ერთი სურვილი: გაუტეხოს სახელი ჩვენ აგრარულ პროგრამას და აგრარულ პოლიტიკას და არ ერიდება არაფერს. არც კანონობს რას დაპარაკობს აგრარული კომისია და რას ფიქრობს აგრარული კომისია და ამიტომ, მე გგონია, რომ იმისი მოსაზრება არ არის სრულებით დასაბუთებული. ჰო, და შეუძლებელია, რომ მისი მოსაზრება მივიღოთ.

თავმჯდომარე. პარლამენტის წევრი მიხეილ მაჩაბელი.

მ. მაჩაბელი. (დ. ნ. დ.) ბატონებო, აქ არის ორი საკითხი. რაკი ორი საგანი დაისვა, იმითმ ორივე საგანზე მოგახსენებთ, ორიოდ სიტყვას. რაც შეეხება კანონ-პროექტს, რომელიც ამბობს, რომ საჭიროა, რომ ეს კერძო სტატისტიკური განყოფილება ჰქონდეს სამინისტროს, არსებითი ამის წინააღმდეგ, მე გგონია, არც ვეშაპელი, არც ჩვენი დამოუკიდებელი ეროვნულ-დემოკრატების ფრაქცია, არაფერს არ ამბობს, სწორედ საჭიროა, რომ ეს სტატისტიკური მასალები სამინისტროს ხელში იყოს. მაგრამ, როდესაც სტატისტიკას აგროვებენ, როდესაც სტატისტიკის მასალას შეიმუშავებენ, ხელმძღვანელები აუცილებლათ უნდა ხელმძღვანელობდნენ ამ სტატისტიკის ცნობებით და ზოგჯერ მაინც ჩაიხედონ ხოლმე, თუ რას წარმოადგენს ეს სტატისტიკა. დღევანდელი საქმე არ გახლავთ. ჯერ კიდევ საქართველოს დამოუკიდებლობას წინ, ჯერ კიდევ როცა სიაში იყო სტატისტიკის განყოფილება არსებობდა და მუშაობდა, კარგათ იმუშავა თუ ავთ ეს სხვა არის, ეგ სამინისტროს ეკითხება, მაგრამ ჩემის აზრით, რამდენადაც მე მესმის ეს საქმე აგრარულ საკითხის შესახებ, მიწის საკითხის შესახებ, მასალა საქმაოდ არის მოგროვილი. მაგრამ ამ მასალას არავინ ყურადღებას არ აქცევს. ყველა თავის აკვიატებულ აზრს მისდევს, იმას სჩადიან, რაც წინაღ შემუშავებული ჰქონდათ და არა იმას რასაც უკარნახებს სტატისტიკა. მე პირადად მოვახსენებთ, არ გამოიყენეს ეს სტატისტიკა, იმითმ რომ აქ ისეთი მასალა არის დღეს მოგროვილი, რომელიც სათანადოდ გააშუქებდა საქმეს და ყოველ გვარ მითქმა მოთქმას ალაგი არ ექნებოდა. სათავეში, რომ ხალხი ზის, მომზა-



დება არ აქვთ, რომ გათავონ ის, რასაც სტატისტიკა ამზადებს. დღეს დაგროვილი არის, ჩემის აზრით, საუკეთესო მასალა, რომელიც კი ამიერკავკასიაში მოიპოვება. ეს მასალა შეიძლება საკმაო იყოს არამც თუ მარტო საქართველოსთვის არამედ აღდგომიდანისთვის და სომხეთისათვისაც. თქვენ შეგიძლიანთ სთქვათ, რომ სტატისტიკა საზოგადოდ ძალიან ცუდად არის დაყენებული საქართველოში, ძალიან ბევრი დეფექტები არის იმაში, მაგრამ თუ არსებობს რაიმე მასალა სტატისტიკური ამ მხრივ, ეს მასალა დაგროვილი არის მარტო აქ, სხვაგან თქვენ მასალას ვერ იპოვნით. ამასთანავე არის ზოგიერთი ისეთი მასალა, რომელიც უტყუარი საბუთი არის, რომელიც წამდელი წყარო არის. ისეთი ცნობები, რომელიც სწორედ მატემატიკურად არაან გამოანგარიშებული, ამას შემუშავება და დაბოლოება უნდა. მე ვეთანხმები ბ. ვეშაპელს, რომ სათავეში ისეთი ხალხი სდგას, რომ თუ როგორ გამოიყენებს მასალას ვერაფერს ვიტყვით. მშ წელიწადი ამ უწყებაში გახლდით, ეხლანდელ ხელმძღვანელებს ვიცნობ, ბევრნი გახლდნენ იქ, იყვნენ იქ ქართველებიც. რუსეთის მთავრობა გულკეთილად არ გვექცეოდა. საზოგადოდ ქართველ კაცს იქ არ გააქაქანებდნენ. იქ ყოველთვის მიიღებდნენ ხოლმე თავის ხალხს, რუსობას. დღეს, პირდაპირ ვიტყვი, ამ მხრივ არა უკეთესი მთავრობაა, თუ ის პირი სოციალ-დემოკრატი არ არის, უბრალო კაცია, მცოდნე კაცი, იმას ფებს ვერ მოაკიდებენ ამ სამინისტროში. რაც უნდა გულკეთილი და საქმის გამკეთებელი მცოდნე პირი იყოს ეს საკმარისი არ არის. ის ამასთანავე უნდა სოციალისტიც იყოს. მე არავითარი ცუდი განწყობილება არა მქონია ბ. პეტრე გელეიშვილთან, აგრეთვე ბ. ხომერიკთან, მაგრამ უნდა აღვნიშნო, რომ ეს ესე არის, ისინი არ ითვისებენ ისეთ ქართველებს, რომელიც არ ეკუთვნიან რომელიმე სოციალისტურ მიმდინარეობას, ისინი არ ეძებენ მცოდნე ხალხს. ბ. პეტრე გელეიშვილი ვერ იტყვის იმას, რომ დამოუკიდებელი ნაციონალ დემოკრატი მაჩვენებლისათვის კაცობა იყოს, რომელიც ან რუსების, ან სომხების ან სხვა ერების წარმომადგენლებს მტერია. თუ კი ისინი მართლა სასარგებლო პიროვნებანი არიან, ამაში ბ. პეტრე გელეიშვილი დამეთანხმება; მე არა ერთხელ მიმიბოძრებია და მითქვამს. აი ეს რუსია, ეს სომეხი არას, მაგრამ ძალიან კარგი მცოდნე და ამ საქმისთვის საჭირო პიროვნება-მეთქი. მარალაღია თუ არა, აგრე იყო ეს არა? ამასთანავე ვიტყვი, ქართველები სამინისტროში სულაც არ არიან. სამინისტროში უცხო ელემენტი საქმის მცოდნე არ არის. ბევრმა მათგანმა დაწყებული სწავლა იმ საქმისა, რომელიც სამინისტროს აბარია. თუ ამისთვის უცხო ხალხი არის მოწვეული, რომ უცნობ საქმეში ჩეხენდნათ, განა არ შეეძლოთ ქართველები მოეწვიათ, საქმე გაეჩარხათ და მომავლისთვის მცოდნე ხალხი შეეძინათ ბევრი ქართველის უბედურება ის არის, რომ სოციალისტი არ არის. მე იმას არ ვამბობ ყველა უცხო გვარ-ტომის მომხრე უთუოთ განდევნოთ, მედვედების გვარი იმიტომ იყო ბ. ვეშაპელის სიაში, რადგან რუსული გვარი აქვს, მაგრამ ისეთი სამსახური მიუქთვის ამ პირს საქართველოს წინაშე, რომ მის წინააღმდეგ ვერაფერ ვერაფერს ვიტყვის; მართალია ძალიან მოხუცია, მაგრამ იმის ყოლა სამინისტროში არავითარ ზიანს არ მოიტანს. ამასთანავე სამინისტროში არიან ისეთი პირნი, რომელნიც ძველ მთავრობის დროსაც, განდევნილნი უნდა ყოფილიყვნენ. და ყველას, ვისაც კი უყვარდა ჩვენი ერი, ჩვენი ხალხი, იმ პირთ სდევნიან, და ეს პირნი კი, ჩვენი მტერნი, მოწვეულნი არიან ჩვენ საქმისათვის. ეს მოხდა იმიტომ, რომ სათავეში ვინცა სდგას არ იცნობენ ამ ხალხს, არ იციან მათი წარსული და დღეს საქმეს ვერ უკვირდებიან.



ნაციონალიზაცია ამ სამინისტროში არა სჩანს; არა სჩანს ამასთ მცოდნე ხალხი, მაგალითად ავიღოთ ცენტრალურ კომიტეტში, რომელსაც ეძახიან სააგრაულო კომიტეტს; ვერაფერ იტყვის, რომ იქ ერის მცოდნე ხალხი, მთავრობამ რაკი იქ მოაწყო არამცოდნე, მაგრამ ჩვენს საქმის მოყვარულს ხალხი, თან და თან ეს ხალხი გულით ამ საქმეს შეუდგნენ, და შეიძლება ფონს გავიდნენ, პატიოსანი მოხელენი და კაი მოღვაწენი გახდნენ. არა ქართველები კი, რომელიც არიან უმრავლესათ, უნდა მოვახსენო სრულიად გულკეთილად არ ეკიდებინ ჩვენს საქმეს, და უყურებენ უფრო ექვის თვლით, ან რატომ უნდა მოეკიდონ გულკეთილად, როდესაც ისინი იყრებიან რომ სხვაგან წაჰყვინდნენ. რადგანაც იციან რომ დროებით არიან, სანამ აღვილობრივი ელემენტები გაჩნდებიან. მე სრულიად ვეთანხმები ვეშაპელს, რომ საერთო ტრედენცია სჩანს. ეს ტრედენცია სჩანს განზრახ კი არა, არამედ იმიტომ რომ, ის პირები რომელიც იქ არიან, ისე დატვირთულნი არიან, ყოველ დღე დიდ შრომას ეწევიან, და თვალ ყურს ვერ ადევნიან რომ გაითვალისწინონ საქმე, ერთი მიმართულება, ცხადია, ვინც თქვენია, ვინც თქვენი ამხანაგია იპოვნის ადვილად ალაგს გინდა იცოდეს, გინდა არ იცოდეს საქმე და ვინც თქვენი ამხანაგია არ არის და მცოდნეც რომ იყოს საქმისა, ის ამ სამინისტროში ვერ იპოვნის ალაგს და ეს საქმისთვის ძალიან საგნო არის. ბ. ნინიძე ბრძანებს, თქვენ კულახილად მიწის საკითხი არ მოგწონთ, კანონი არ მოგწონთ და იმისთვის ხართ წინააღმდეგიო. არავინ არის ამ კანონ-პროექტის წინააღმდეგი, ჯერ ერთი ეს საბუთი საბუთად არ ჩაითვლება, მაგრამ მგორეც ის, როდესაც კაცი ამბობს—ნაციონალიზაცია უნდა მოხდესო, ეს სრულიად არ მოითხოვს, რომ მიწის საკითხი უსათუოდ არ უნდა შესრულდესო. მაშასადამე, ეს მოსატანი არ იყო. მიწის საკითხი, როგორც აქ სწყდება, თითონ ცხოვრება დაამტკიცებს, რომ ვერ განხორციელდება. მაგალითად, ნორმა გადაწყვეტილია 7 დესეტინა, არ ვიცი, მე მინდა, გაკვივო რაში მდგომარეობს ეს ნორმა, 7 დესეტინა სახნავი ქონება, თუ ვინახი იქნება არ ვიცი; თუ ეს 7 დესეტინა სახნავი იქნება, გლეხაკების საკითხისთვის, უნდა მოვახსენოთ, ეგ საშინლება იქნება აღმოსავლეთ საქართველოში. სტატისტიკაში რომ ჩაიხედოთ, სწორედ სტატისტიკა გაქვთ და მასალა ხელში გიკავიათ იქ დაინახავთ, რომ ამის წინააღმდეგ გლეხაკობა იქნება, და გლეხაკობის წინააღმდეგობა ისეთი კი არ არის, რთგორც თავად აზნაურობის წინააღმდეგობა. და ყოვლად შეუძლებელია, რომ ჩვენ გლეხაკობა გადავიმტკიცოთ, და თუ ეს მოხდა, იცოდეთ, რომ დიდი ანარქია მოხდება. ბევრ ალაგს გლეხაკობას ბევრად მეტი მიწა უჭირავს დღეს და მაინც ბედნიერები და მდიდრები არ არიან; იმათ რომ ჩამოვართვათ მიწები, უსათუოდ უბედურ დღეში ჩავაყენებთ. ამიტომ საჭიროა ამ საკითხს ძლიერ ფრთხილად მოეკიდოთ. როდესაც ჩვენ ვაფრთხილებთ, რომ სახელმწიფოებრივ თვალსაზრისით არ არის სახიერო მიწის დეკრეტი და ნაშეტნავად ის განხორციელდება, რომელიც ესლახდება საქართველოში,—თქვენ გაიძახით: „არ მოგწონთ, რადგან მემამულეებს ესარჩლებითო. რაკი იმერეთში მემამულეებს მიწები არა აქვთ მაშასადამე თქვენის აზრით ჩვენ ვესარჩლებით აქაურ მემამულეებს. ჩვენ კი ვზრუნავთ იმერეთის უმიწაწყლო გლეხობისათვის, რომელნიც აქეთ უნდა გადმოსახლდნენ და სწორედ ამიტომ უნდა გაიგოთ აზრი იმ შეკითხვისა, რომელიც შემოიტანეს არარატის წარმომადგენლებმა, გავრცელდება თუ არა ეს მიწის დეკრეტი არა ქართველ ქვეშევრდომებზე; მიპასუხეთ მტკიცე კავშირი აქვს თუ არა ამ შეკითხვას ჩვენი გლეხაკობის მომავალთან, თუ მართლაც სტატისტიკას თვალყურს ადევნებთ, გეცოდინებათ, რომ მტკიცე კავშირი აქვს ამ შეკითხვას ქართველ-



ბისთვის. აქაური დიდი მემამულეები სწორედ იმიტომ ებრძვიან ჩვენ სოციალისტებს, სოციალისტების მიწის დეკრეტს, რომ ბორჩალოს მაზრაში და ქართლში, სადაც მამული ეკუთვნის ქართველ თავად აზნაურობას, იქ სცხოვრობენ არა ქართველი მოღვაწის ხალხი და მაშასადამე ქართველებს, რომ მიწა ჩამოვართვათ, დაად, დიდ მემამულეებს, რომ მიწა ჩამოვართვათ, ეს მიწა უნდა გადაეცეს იმათ, რომელიც, ჩვენ ხალხს არ ეკუთვნიან, ქართველები არ არიან. მე კი ვგონებ, ჩვენი მოვალეობა არის, ერთნაირად მოვექცეთ, როგორც ქართველებს, ისე არა ქართველებს, როგორც არა ერთხელ მითქვამს, არც ერთი დესეტინა მეტი არ მივცეთ სხვა ერებს. უნდა გავითანასწოროდ ქართველი ხალხი და არა ქართველი. ამიერ საქართველოში მიწა მეტი უჭირავს უცხო გვარტომის ხალხი და ჩვენ უნდა უთუოდ ვაძლიეროთ ამიერ საქართველოში, აღმოსავლეთ საქართველოში ქართული ელემენტი, რომ უზრუნველყოთ ჩვენი სახელმწიფო, თორემ უცხოელები ფებს ვერ მოგვაკიდებინებენ, ხან გზებს გავვიფუჭებენ, ხან აჯანყებას გავვიმართავენ, ხან ხიდს ჩავვინგრევენ, ამიტომ, რომ აქ ადვილად აღვიღო აჭრელებულია ხალხი ძველი შთავრობის, ძველი ძველი კანონების წყალობით. ჩვენი პოლიტიკა მიწისა უნდა იყოს უპირველეს ყოვლისა პოლიტიკა კოლონიზაციისა, რომ საქართველოში, ჩვენ მიწა წყალზე ქართული ხალხი გამრავლდეს. მე იმას კი არ ვამბობ, რომ უნდა დაიჩაგროს მოსული ხალხი, მე ვამტკიცებ, რომ მოსულ ხალხს მეტი მიწა-წყალი უჭირავს და ეს ასე არ უნდა იყოს. როცა 1907 წელს მიწის საკითხი სწყდებოდა თავად-აზნაურთა კრებაზე, და როცა, რასაკვირველია, სოციალ-დემოკრატიის ბატონობაზე ლაპარაკი არ იყო, თავად-აზნაურობამ გადასწყვიტა: ტფილისის გუბერნიაში, რაც 1907 წელს ხალხი იყო ნაანგარიშევი ბინადარ ხალხად ჩაითვალოს—რუსები, სომხები და დანარჩენი მოსული ხალხიც ისე მოვაწყუოთ, როგორც ქართველი ხალხი, მაშინ ჩვენ ვეპრძოდით რუსების და სხვა ერების ელემენტების გადმოსახლებას ჩვენს ქვეყანაში თავად-აზნაურობა ცდილობდა ქართველი გლეხკაცობა გაეძლიერებინა და თავისი მამული გლეხკაცობისთვის გადაეცათ. როგორც ეხლა თვალ-ყურს ვადევნებ, თურმე ნუ იტყვიოთ, თავად-აზნაურობას უფრო მეტი მამული ჩაუბარებია გლეხკაცობისთვის, მართალია, სასყიდლით, ვიდრე დღეს ჩააბარეს. დღეს ლაპარაკობენ უნდა მამულები გლეხკაცობას დაურიგოთ; ვის რა უნდა დაურიგოთ, მამული დარიგებული აქვს გლეხკაცობას; ციდან ხომ არ ჩამოვარდება მიწები, და იმას ხომ არ დააგირაფებთ; მამულები, რომელიც თავად-აზნაურების მფლობელობის ხელში იყო, დღეს ის გლეხკაცობის ხელშია. აღნუსხული არის ისიც რანაირი მამული, რომელ გლეხკაცობას ეკუთვნის; მაშასადამე დასარიგებელი მიწები, ისეთი, რომ ვიღასაც უნდა ვაჩუქოთ, დასარიგებელი, არაფერი არ არის ჩემის აზრით, არამც და არამც მიწის გაყოფა გლეხკაცებს შუა არ შეიძლება, თუ არ გვინდა, რომ ამ გაყოფით, დიდი აურ-ზაური არ ასტყდეს. მე მოგახსენებთ ამიერ საქართველოს გლეხებზე, იმიტომ, რომ იმიერ საქართველოს გლეხებს იმდენი არ აქვთ მიწა, რომ საშუალო რიცხვით 7 დესეტინას აღემატოს. დასასრულს შემიდგეს მოგახსენებთ, ეს კანონ პროექტი უნდა მივიღოთ. სტატისტიკა, როგორც აგრარულ კომისიამ ისე სამინისტრომ სახელმძღვანელოდ უნდა მიიღოს. საჭიროა ციფრებში ჩაიხედონ და შესაფერისი დასკვნა გამოიყვანონ და არა ისე, რომ ეს სტატისტიკა, სტატისტიკად რჩება ფული ფულად იხარჯება, და ამ სტატისტიკას არც ჩვენ გვაწვდენენ და არც სარგებლობენ, როგორც საჭიროება მოითხოვს. მოხელეთა შესახებ, სამინისტრომ ყურადღება უნდა მიაქციოს ნაციონალიზაციას, და ისეთი პირნი, რუსები,



ათორები, სომხები, ქართველები, რომელნიც სასარგებლო არიან საქმისათვის, უნდა დარჩნენ, და ასეთი პირნი, რომელნიც არა მცოდნენ არიან, ან კიდევ ანიმედონი არ არიან, უნდა ეხლავე იყვნენ დათხოვილნი, და ამასთანავე მოვეუბნებინათ უნდა იყვნენ ქართველები; შეიძლება ესენი ჯერ მცოდნე არ იყვნენ, ხვრამ მათ მომზადება საქმისათვის შესაძლოა და უნდა ამ საქმეში ისე მოქმედებოდნენ, როგორც ყველგან იქცევიან და ამხედრებენ ადგილობრივ ხალხს ადგილობრივ საქმის გასაძლიერად.

თავმჯდომარე. სიტყვა ეკუთვნის მიწათ-მოქმედების მინისტრის ამხანაგს ბ. გელეიშვილს.

მიწათ-მოქმედების მინისტრის ამხანაგი **პეტრე გელეიშვილი.** ბატონებო, ძნელი მაჩაბელმა აქ მხოლოდ ერთი გვარი ახსენა მედვედევისა და სთქვა, რომ ამის წინააღმდეგ არაფერი ითქმისო. მაგრამ, რომ მოგვინებინა სკიბიცკი, ეგოროვი იტყოდა, რომ ისინი ძალიან მცოდნე ხალხია. ესე რომ არ იყოს, ისინი არ იქნებოდნენ ჩვენთან. ეს, ბატონო მაჩაბელო, უნდა მოგვხსენებიათ.

რაც შეეხება იმას, რომ სამინისტროს მეთაურნი უფიცები არიან სტატისტიკაში, — ამაზე რა გვეთქმის. მე პირადად არ შემოძლიან თავი მოვიწონო მხოლოდ, ათი წ. მიუშვანია. მიხელობდვანლია და მიწერია. სხვები პეტრობენ, რომ რაღაც ვიცო. მე კი ვიცი, რომ დიდი არაფერი სტატისტიკოსი ვარ, მაგრამ, როდესაც მ. მაჩბელი ჩვენთან ერთად მსახურებდა, ამ აზრისა არ იყო ჩემზე. ეხლა ალბად, პარტიული და ფრაქციული ფსიქოლოგია სხვა არის; ეს ბ. მაჩაბლის თავზე იყოს და მე ამას არ შეეხება.

რაც შეეხება არსებითად ამ სტატისტიკურ განყოფილებას, მე მოგახსენებთ, რომ ერთგვარი შეცდომები დაუშვეს ზოგმა ორატორებმა. მაგალითად, სოციალისტ ფედერალისტების ფრაქციის წარმომადგენელმა ღლონტმა, სთქვა რომ არ მოგვსლია ცნობები ჩვენ კომისიაში, მაგრამ ეს შეცდომა არის არა სენი სამინისტროსი, არამედ ჩვენი სამინისტროს კანცელარიისა.

მ. მაჩაბელი გამობრძანდა და სთქვა. თქვენი მოხსენებიდან სჩანს, რომ თქვენ სტატისტიკა არ იცითო, არ იცით იმ სტატისტიკაში ჩახედვა, როგორც ვაქათო. მ. მაჩაბელი, რომ ასეთი რიხით, ასეთი კანდიერებით ლაპარაკობს, უნდა მიიღოს თავის თავზე შრომა და ჩაიხედოს იმაში, რაც ჩვენ მიერ წარმოდგენილი არის. ჩვენ ეს აქ წარმოვადგინეთ ქართულად და რუსულად აღწერილი.

ჩვენ იმაზე კი არ ვლაპარაკობთ, რაც დღეს ჩვენ გვაქვს. სხვა ორატორებმა, რომ დაუშვან შეცდომები, მე ეს არ გამიკვირდება, მაგრამ ბ. მაჩაბელმა, რომ შეცდომა დაუშვას, მე ექვი შეპარვბა: ალბად იგი განვებ უშვებდ შეცდომას. რაში მდგომარეობს ჩვენი სტატისტიკური მოსაზრება? იმაში კი არა, რომ ერთი რაღაც პანაცეია ყოფილა, იქ კი, საცა ბ. მაჩაბელს უმუშავებია, იქ კი არის საგნე ქეშმარიტება, ეს ქეშმარიტება სდულს და გადმოდის. ჩვენ არა გვგონია, რომ ამ ქეშმარიტებას მაინც და მაინც დიდი ღირებულება ჰქონდეს, პარტიკულური მიხილ ვახტანგიჩ, მაგრამ ჩვენ ვათხანებთ ამას, როგორც კომპასს, ამ ჩვენ მდგომარეობაში, რომელიც გზას გავვიკაფავს.

მაგრამ ესეც არ ყოფილა საკმაო. მაგრამ ჩვენ ამისთვის კი არ ვმუშაობთ, რომ მე და თქვენ ბ. მაჩაბელო, მოვაველს ღირსეული ნაშრომი დაუტოოთ.

ყოფილმა თვითმართველობამ ესეც უნდა ითქვას დაგვიტოვა არა ერთი რამე კარგი საქმე. ეს იყო სასოფლო-სამეურნეო აღწერა 1916—17 წ. იმნაირი მნიშვნელობისა არის ეს აღწერა, რომ ჩვენ ჩვენი ხაზინის ამბავი, რომ ვიცით, მალე ვერ მოვკიდებდით იმას ხელს და სამი მილიონი დაგვიკრდებოდა. ამის-



თვის ჩვენ მალღობის მეტი არიფერი გვეთქმის. 16—17 წ. ამ ორი წლის აღწერა, ისეთ კარგათ ჰქონდათ, ისეთ შეგნებით ჰქონდათ შედგენილი, რომ ჩემი მოხსენებით თავა-აზნაურობამ გამოიღო 3,000 მან. და რომ მომცა მე, როგორც ერთ-ერთ სტატისტიკის ხელმძღვანელს, რომ დუბლიკატი გადმომეღო იმ მასალიდან, რომელიც აქედან უნდა გაეგზავნა პეტროგრადაში.

1917 წ. იმავე რუსეთის მთავრობამ ხელახლად აღწერა მოახდინა ამიერკავკასიაში. აქ სთქვეს, რომ ეს მასალა უფრო საყურადღებო და კარგაო; იმიტომ, რომ მართო საქართველოს ტერიტორიაზე, როგორც უფრო შეგნებულ გლეხკაცობამ, უფრო შეგნებულ ხალხმა, კარგად გამოსთქვა პასუხი დასმულ კითხვებზე. ეს ისეთი ტყუილია, როგორც ის, რომ ეხლა კალზე სიმინდია დაზვაგებული.

აქ ჩვენ გვიკვირებს, რომ ამ სტატისტიკაში არ ჩავიხედია და არ გამოვეყენებია. ჩვენ თუ არ ჩავიხედეთ, მაჩაბელი ჩაიხედავდა, და გვეტყოდა თუ რა არის, იქ თუ უწყება ვერ ისარგებლებდა, მაინც სხვა ფრაქციების წარმომადგენლები ისარგებლებდნენ. თუ ხომერიკი და გელეიშვილი ისე უფიცები არიან, რომ არ ჩაიხედეს ამ სტატისტიკაში მაშინ სხვები ისარგებლებენ. მაგრამ მე მაკვირვებს, რატომ არ ბრძანა ბ. მაჩაბელმა, ეგრეთ წოდებულ землеустроительный პარტიებზე, რომლის დაწესებულებაში ბოლომდის მუშაობდა ბ. მაჩაბელი. ამ ხელეუსტროიტელნია პარტიებს აქვთ ტფილისის გუბერნიაში 500 სოფელი ჩინებულათ შესწავლილი. თუ არ ვცდები, მაჩაბელი მუშაობდა ახალგაზღობიდან ამ ქალარა თამაშინ. ის მართლაც წარმოადგენს ძვირფას მასალას. დიდი ხანია იქ მუშაობს, და 500 სოფელი შეესწავლა, და ეს იქნებოდა მთელი ქვეყნის ტერიტორია. მაშასადამე, გვექნებოდა არა მართო 500 სოფელი შესწავლილი, — არამედ მთელი ქვეყნის ტერიტორია. არ ვიცი საიდან გამოიყვანა ბ. მაჩაბელმა, რომ ხომერიკი და გელეიშვილი არ სარგებლობდნენ სტატისტიკურ ცნობებით. მე მგონია ბატონ მაჩაბელს წინდაწინ აკვიატებული აზრი აქვს. ამ შემთხვევაში მე მგონია, რომ სცდება ბ. მაჩაბელი. ჩვენ უვე გავათავეთ იმ მასალის შესწავლა, რომელთა შედგენაში ბ. მაჩაბელი მონწილეობას იღებდა. გავათავეთ ეს მასალა, რომლის პლანები იყო იმ პარტიებში, რომლებსაც, უმუშავნიათ. მაგრამ, ამის გარდა საქართველოში არის კიდევ სხვა ტერიტორია, და ამ ტერიტორიის საჭირო არის სხვა შედარებითი სტატისტიკა, შედარებითი მეთოდი. მუშაობა არ შეიძლება, თუ მასალა არ შევადარეთ, ამისთვის ინსტრუქტორები მუშაობენ; ამაზე ფინანსთა სამინისტროც მუშაობს, ამაზე ჩვენც ვმუშაობთ. მაგრამ, ეხლა ჩვენ ეთხოვლობთ ამ ფულს და სამუშაო ტფილისის და ქუთაისის გუბერნიის მასალის დასაგროვებლად, და მერმე, ამ მუშაობის დეტალურ შესადარებლათ იმასთან, რაც უკვე აქვს სამინისტროს. ეს არის ფაქტიური მხარე.

მაგრამ, აქ კიდევ ვეშაპელმა, თუ მესხიერება არ მალატობს, სთქვა: „თქვენ, რომ აღწერა მოახდინოთ, ამისთვის არც ფული გვაქვს, და არც იმდენი დრო, ამისთვის 10 მილიონიც არ გვეყოფათო“. ჩვენი თხოვნა პარლამენტის წინაშე ის არის, რომ მოგვეცეს საშუალება, დავიმუშაოთ 17 წლის აღწერის მასალების და შევიდაროთ იმ მასალებს, რომელიც ჩვენ გვაქვს შემუშავებული. ეს არსებობდა.

რაც შეეხება ერთ იმ გარემოებას, რომ აქ ბ. ლლონტმა გამოსთქვა ფრაქციის აზრი და, მე მგონია, რომ თითქმის ყველა ორატორი არის იმის მსურველი, რომ ცენტრალური ბიურო, ცენტრალური სტატისტიკური ბიურო, იყო დაარსებული, — ეს ჩვენ სამინისტრომ უკვე შეიტანა და მთავრობამ კიდევ მი



დავით ონიაშვილი (კიბხულაძე) კანონ-პროექტი აგრარულ რეფორმასთან დაკავშირებულ სტატისტიკის შედგენისა.

გადაიდოს სახელმწიფო ხაზინიდან მიწათ-მოქმედების მინისტრის განკარგულებაში სამას ოთხმოცდა თერძმეტი ათას ექვსასი (391,000) ჩანეთი აგრარულ რეფორმასთან დაკავშირებულ სტატისტიკის მოსაწყობად თანახმად ამ კანონთან დართული ხარჯთ-აღრიცხვისა.

თავმჯდომარე. პარლამენტის წევრი ასათიანი.

აღ. ასათიანი (ნ. დ.) ბატონებო, პარლამენტის წევროს! მე ვფიქრობ, რომ ჩვენი ხაზინა იმყოფება ისეთ მდგომარეობაში, რომ მას არ შეუძლია თითქმის ნახევარი მილიონი გადადოს ამ კანონ პროექტის განსახორციელებლად.

ეროვნულ-დემოკრატიები ყოველთვის დიდ თანაგრძნობით შეხედობიან მთავრობის ყოველგვარ მუშაობას, ჩვენი ჰეგუნის ეკონომიურ მდგომარეობის გასაუმჯობესებლად. რაც წიხებდა ჩვენს მერჯინობას, იკრობა-მარჯნობას — ეს საზოგადოდ განსაკუთრებულ ყურადღებას მოითხოვს და ჩვენ მოვალეობას შეადგენს ყოველგვარი დახმარება გაუწიოთ, ამ შემთხვევაში მთავრობას. მაგრამ ვფიქრობ, რომ ეს კანონ-პროექტი, რომ ჩვენ დღეს მივიღოთ და განვხორციელოთ, — ვერ მიადგენს იმ მიზანს, რომელსაც ის ემსახურება.

აგრარულ რეფორმის განსახორციელებლად სრულგებრთ არ არის გამოსადეგი, საკმარისი ის მასალა, რომელიც შეიმუშავა მიწათ-მოქმედების სამინისტრომ.

თუ კი ამ კანონ-პროექტით ვფრ ანხორციელებთ აგრარულ რეფორმას, თუ კი აგრარულ რეფორმის განსახორციელებლად სულ სხვა გვარი მასალა არის საჭირო, რომლისთვისაც მიწათ-მოქმედების სამინისტროს აქამდისინ უნდა მიექცია მრტი ყურადღება; შეესწავლა, ესე იგი გადაესინჯა და შეიღარებინა ეს სტატისტიკა. თუმცა არის ბევრი ციფრები წარსულ წელს მომხდარი, სასოფლო მეურნეობის აღწერის შემდეგ და აგრეთვე საჭირო იყო სამინისტროს შეესწავლა ის მასალა, რომელსაც აქამდისინ იძლეოდნენ ჩვენი სახაზინო პალატები.

ეს მასალა ფრიად დიდი მნიშვნელობისა იქნებოდა იმისთვის, რომ საზოგადოდ დასკვნა განოეტანა ჩვენ მიწის მფლობელობის და სასოფლო მეურნეობის შესახებ. მაგრამ ეს საზოგადოდ დასკვნა არ არის საკმარისი იმისთვის, რომ თვითეული მეურნეობის და მფლობელობის მდგომარეობა თქვენ შეზღუდოთ, გადასჭრათ და გაანაწილოთ.

ამ სტატისტიკაში შეიძლება ყველა ციფრები შემცდარი იყოს. ისეთი არის მრავალი რიცხვის ბუნება. მაგრამ სტატისტიკა ემყარებოდა იმაზე, რომ თვითეულ მჭრის, თვითეულ მფლობელის მდგომარეობა მოიყვანოს და აქედან გააკეთოს დასკვნა. საჭიროა, რომ თვითეულ ამ მფლობელის და მეურნის შეახებ თქვენ გკონდეთ. არსებითი ცნობა, არა ისეთი ცნობა, რომელსაც ხარჯებისთვის მფლობელობა ინსპექტორებს აძლევენ, არა ისეთი ცნობა, რომელსაც თვითეული მეურნე თავის სურვილით აძლევს, არამედ ისეთი აღწერილობა, იურიდიული აქტები მიჯნები მიჯნების შესახებ და უტყუარი ცნობები ამას მხოლოდ კადასტრი მოგვცემს,

მხოლოდ მაშინ შეგიძლიანთ თვითეულ მეურნეს ჩამოუჭრათ, და დაუტევოთ იმდენი, რამდენიც თქვენ დაადგინეთ და დანარჩენი გადარცხოთ თქვენ მიწის ფონდში.



ის მასალები, რომელიც ექნება ხელში სამინისტროს, რომელიც დბოყ-
ლობს ნახევარ მილიონს, ასეთ ცნობებს სრულად არ გვაძლევს.

თქვენ კარგად მოგეხსენებათ სახაზინო პალატის ცნობები როგორ მუშავ-
დება: თითოეული მეორე აძლევს ცნობებს, თუ რამდენი მიწა აქვს. არავითარი
ორგანიზაცია თვალყურს არ ადევნებს, თუ როგორ მუშავდება სასოფლო აღწე-
რები. როგორც მოგეხსენებათ სოფელში იგზავნებიან ყმაწვილები, — რომელ-
თაც ევალებათ აღნიშნონ ამა თუ იმ სოფელში რამდენი მიწა არის. ეს ცნო-
ბები არის ზეპირი და ნაკლებადაა სინამდვილესთან დაახლოებული.

თავმჯდომარე. ეს საერთო კითხვას შეეხება, გთხოვთ პირველ მუხლს შე-
ეხოთ. (ალ. ლომთათიძე: „ეგ საკანს არ შეეხება“).

ალ. ახათიანი. ბ. ლომთათიძე, თუ ეს არ შეეხება საკანს, მაშინ, მე მგო-
ნია, თქვენ რაც ილაპარაკეთ სულ არ შეეხებოდნ პირველ მუხლს.

ეს მასალა ისევე მუშავდება და არ იქნება გამოსადეგი აგარაულ რეფორ-
მისთვის, მაშასადამე ამისთვის ნახევარ მილიონს ვერ გადავცემთ. (ლომთათიძე, აღ-
გილიდან: „ეს არსებითად არის, პირველ მუხლს არ შეეხება.“) დიახ, პირველ მუხლ-
ზე არის ლაპარაკი. აქნა თქვენი, რომ ამდენი თანხა იყოს გადაღებული. (ლომთათ-
თიძე, აღგილიდან: „თანხაზე ილაპარაკეთ.“) მე ვაპროტესტებ, რომ ჩვენ არ შეგვიძლიან
ხაზინიდან ასეთი დიდი თანხა გადავღოთ. იმ საქმეზე, რომელიც არავითარ ნა-
ყოფს არ გამოიღებს ამ აგარაულ რეფორმის პრაქტიკულად განხორციელების
დროს, ვერავითარ დახმარებას ვერ გვაძლევს მუშაობის დროს. ეს მუშაობა მა-
შინ უნდა გაგვეწია, როდესაც ვწერდით აგარაულ რეფორმების პროექტებს,
მაშინ უნდა გვეკონოდა ერთგვარი ზოგადი წარმოდგენა შინც ჩვენი მიწის
მფლობელობის შესახებ. მაშინ, რომ გვეკონოდა ეს მასალები და გადაგვემიჯნა
ყოფით სარგებლობას მოგვეცემა, მაშინ არ ჩავიდნენ იმ შტეკდომებს, რომ-
ელიც ჩვენმა მიწათ-მოქმედების სამინისტრომ ჩაიდინა. ჩვენ დიდი ხანია მი-
ვიღებდით კონკრეტულ კანონ-პროექტს აგარაულ რეფორმის განხორციელე-
ბის შესახებ. სამწუხაროთ ეხლა მხოლოდ პირველ კანონ-პროექტს ვდებულობთ
და ისეთ კანონ-პროექტს, რომელიც ამ ყაზად ამ რეფორმის პრაქტიკულად
განხორციელებას ვერაფრით ვერ შეუწყობს ხელს და, თუ ეს მუშაობა დასრულ-
დება, მოგვეცემს მხოლოდ ზოგად ცნობას, ზოგად ცფრებს საქართველოს მი-
წის მფლობელობის შესახებ, ამისთვის ერთგულ დემოკრატიული ფრაქცია
პტიკრობს, რომ დღევანდელი ჩვენი ხაზინის მდგომარეობა არ არის ისეთი,
რომ ასეთი დიდი თანხების გაღება შეგვეძლოს ამ საქმისთვის. მომავალში,
როდესაც ხაზინის მდგომარეობა გაუმჯობესდება, ასეთი მუშაობა და მრავალ-
გვარი სხვა სტატისტიკური მუშაობა, რომელიც შეეხება ჩვენ ეკონომიურ მდგო-
მარეობას, რასაკვირველია, შესრულებული იქნება...

თავმჯდომარე. ვის ხურს სიტყვებ არავის. გთხოვთ წაიკითხოთ პირველი
მუხლი.

დ. ონიავილი. (კითხულობს) გადაიდოს ნახევარმილიონს ხაზინიდან მიწად
მოქმედების მინისტრის განკარგულებაში სამას ოთხმოცდა თერთმეტი ათასი
ექვსასი (321,800) მანეთი აგარაულ რეფორმისთან დაკავშირებულ სტატისტი-
კის მოსაწყობად თანხმად ამ კანონთან დართული ხარჯთ აღრიცხვისა.

თავმჯდომარე. მე კინკს უყრი პირველ მუხლს. ვინ არის მომხრე, გთხოვთ
ასწიოთ ხელი. მუხლი მიღებულია.



უკვე სამ საათზე მეტია. ვნებავთ თუ არა, რომ კრება განვიგრძოთ? (ხმები: „გადავდეთ“).

აქ არის წინადადება, რომ დავნიშნოთ იმ კრების გარეშე, რომელიც იქნება პარასკევს საგანგებო კრება. ვის სურს ამ წინადადების შესახებ სიტყვა?

ალ. დამთავრებულ. ბატონებო, ჩვენი ფრაქციის სახელით წინადადება შემოაქვს— ვინაიდან ბლომად მოგროვდა საკითხები და საკითხები ისეთი არის, რომ, რაც შეიძლება მალე უნდა გადაისინჯოს. ჩვეულებრივი სხდომა ვერ გვეყოფნის ამ საკითხების განსახილველად, ამიტომ წინადადება შემოგვაქვს საგანგებო კრება დაინიშნოს ხუთშაბათ დილისთვის. მაგრამ, რადგან ჩვეულებრივ 12 საათზე ვერ ვაწყობთ სხდომას და სამზე გვიან ვათავებთ.

მე წინადადებას ვამღვებ, რომ დღეს რეგლამენტს არ ატყდეთ. და რადგან ჩვენ გადაწყვეტივით ჩვენ, რომ სხდომა 3 საათზე უნდა დამთავრდეს და ამ ეამად 3 საათი არის. წინადადება გახლავთ, რომ ეს შეხული დარჩეს ძალაში და დღეს კრება შევწყვატოთ.

თავმჯდომარე. ვის ნებავს სიტყვა ამ წინადადების შესახებ? არავის. მე ვეპქს უყრი ვინ არის წინააღმდეგი? წინადადება მიღებულია.

თუმცა ვადა გადაცილებულია, მაგრამ რეგლამენტის ძალით მე სიტყვა უნდა მივიტე ბ. ვეშაპელს, რადგანაც ის თხოულობს სიტყვას პირადი საკითხისთვის.

ბ. ვეშაპელი. (დამ. ერ. დემ.) ამ ფორმით მინდა იმის მოხსენება, რადგან სიტყვა რომ აიგლო უფრო ბევრი იქნებოდა სალაპარაკო აგრარულ კომისიის საინფორმაციო განცხადების შესახებ და იმის შესახებ, თუ რა დამოკიდებულება აქვს აი ამ კანონ-პროექტს საერთო აგრარულ კომისიის შეხედულებასთან.

აქ განაცხადეს, რომ ამაზე ყოდილა მსჯელობა და აღბად ვეშაპელს არ სცოდნია რაში იყო საქმე, თორემ არ იტყოდაო.

მართალია, მე კომისიის წევრი არა ვარ, მაგრამ იმ კრებაზე კი გახლდით, როდესაც აქ საგანზე იყო მსჯელობა. მართალია, სტენოგრაფიული ოქმები არ არის, მაგრამ შემიძლიან მაინც დაახლოვებით გადმოგვცეთ თვით აგრარულ კომისიის დასკვნა. იქ ერთხმად სთქვეს აგრარულ კომისიის წევრებმა, რომ უსათუოდ არა ნორმალური გარემოება არის, რომ კანონ-პროექტი დიდ ფინანსურ თანხას მოითხოვს ისეთ საკითხისთვის, როგორიც არის სტატისტიკა და რომელიც ტარდება აგრარულ კომისიის გარეშე.

მაგრამ, როგორც სოციალ-ფედერალისტების ფრაქციის წარმომადგენელმა განაცხადა, რომ ხელი არ შეუშალოთ მიწათ-მოქმედების სამინისტროს ეს შეცდომა ძალაუფლებურად უნდა მავდოთ, რადგანაც იგი გატარდა ფინანსიურ კომისიაში. მე მგონია, ბ. ნინიძე ამას მოიგონებს. ეს პირველი.

მეორე შეეხება ბ. დოლუხანოვის განცხადებას.

მან გაიკვირვა, რომ უცხოელ გვარების შორის, მე მოვიხსენე სომხების გვარებში. რასაკვირველია, მე ამის თქმით არ მინდოდა იმის დამტკიცება, რომ ქართულ ნაციონალისტურ შექმნებლად მიაჩნია, რომ არა ქართველა ვინმე და კერძოდ სომეხი იყოს საქართველოს სამსახურში. თუ მე ვახსენე ეს გარემოება არა იმიტომ, რომ საერთოდ მგონია მხედველობაში, რომ მიწათ-მოქმედების სამინისტროში არც ერთი სომეხი არ უნდა იყოს, არამედ მე ეს გარემოება მალაპარაკებდა, რომ ჩვენ კარგად ვიცით, რომ ეს საკითხი რთულდება, არა იმიტომ, რომ ვისმეს არ უნდოდა არა ქართველის მოწვევა სამსახურში, არამედ იმიტომ, რომ თვით აქ მცხოვრებია სომეხებმა უნდა გვაცნობონ ვინ რჩება

საქართველოში, ვინ გაბედავს, სთქვას, რომ თავისი ბედი დაუკავშიროს საქართველოს. ეს საკითხი ჯერჯერობით გამოჩვეული არ არის.

ჩვენ ვიცით ის კრება, რომელიც მოახდინა სომხების დიპლომატიურმა წარმომადგენელმა ჯამალიანმა აქაურ ორგანიზაციების თანადასწრებით. ეს კრება, სადაც პირდაპირ იყო კამათი, მსჯელობა იმის შესახებ, თუ სომხებმა en teute niasse მიიღონ ქვეშევრდომობა თუ წავიდნენ. როდესაც ისეთი გარემოებაა მე როდესაც უცხოელების სიაში, გარდა რუსებისა შოვიხსენიე სომხებიც, რომლებიც არ არიან ჩვენი ქვეშევრდომნი იმიტომ, რომ ჯერ კიდევ არ არის გამოჩვეული ქვეშევრდომობა. და მე მეშინიან, თუ ეს პოლიტიკა გაიმარჯვებს, შეიძლება იმ სომხებში, რომელნიც არიან, მიწათ-მოქმედების სამინისტროში თუმცა პატარა პროპორციით, ვაი თუ არც ერთი არ გამოდგეს ქართველი ქვეშევრდომი.

თავმჯდომარე. კრებას ვხურავ.

კრება იხურება სამ საათსა და ათ წუთზე.

საქართველოს
 ეროვნული ბიბლიოთეკა
 თბილისი